

摘藻堂四庫全書薈要

經部

欽定四庫全書薈要

經部

易經纂言卷二



詳校官祭酒臣韋謙恒

欽定四庫全書薈要卷三百四十八

經部

易經纂言卷二

元吳澄撰

周易

下經

此篇起咸恒終既濟未濟對體之卦二反體之卦十六反體一卦為二卦總計三十

四卦謂之下經



艮下 兌上 ○ 七之二下之一經 三陰否變主九三

咸

此義皇艮下兌上之卦而大王名之曰咸咸交感也 以少男下於少女男下女上男內女外夫婦之交感

也卦自否變三上相易否上下不交今三之陰升 占 上而交乎陽上之陽降三而交乎陰交感之義也 亨 也

利貞

占也取女吉

貞又為取女之吉占

初六

初之畫得六為咸之革

咸其拇

象也拇足大指初下體之下

初將欲取近故初欲舉趾而往就四也有象无占

六二

六居第二畫為咸之大過

咸其腓

象也腓足肚也在踝之上膝

故象腓腓隨股而動三為股二不能遠俟山占也感近正應之五而近感所比之三故曰咸其腓而私從所

比故居吉

占也謂止而不動以俟正應之來感感不自動以感三也范氏大性曰六爻皆應所以為

咸然諸爻皆合應取近故雜卦云咸速也二取三則失正而凶止而待五之感則善故曰居吉居者艮止象

九三

九居第三畫為咸之萃

咸其股

象也四為身二為腓三在腓之上身之下股也二三四為

翼亦為股腓隨股而動腓動則股動執其隨象也執猶

仇之執謂係戀之也隨往吝占也三有正應在上乃下

者隨從之人謂二也繼六二而又欲往就正應

心貳乎邪迹徇乎正可羞吝也崔氏憬曰二

隨於已志在所隨而遂往感上失義故吝

九四九居第四畫貞吉占也四居三剛之中悔亡占也

當位宜有悔以貞吉故其悔亡憧憧往來象也憧憧思

毛氏璞曰易言悔亡自此爻始慮不定貌變

剛為柔則是內易所守而思慮不定也往謂四朋從爾

變為柔而上感五來謂五因四感而下感四也

思象也朋謂同類四五皆陽故以五為朋爾思猶逸詩

所云豈不爾思爾謂四五為心思者五思四也四正

應在初下感正應則貞吉悔亡若變為柔上感所比之

五五朋來從其從者思爾之人也言私心之從非大公

至正之感也

九五

九居第五畫為咸之小過

咸其脢

象也脢夾脊肉前與心對而稍近上五當心位而中正下

與中正之二為正應咸之時欲速相感近感所比而不感正應二既欲不感五而感三五亦欲不感二而感上是不以其中正之心相感乃以其无悔正相感故僅可非心之處相感也故曰咸其脢

无悔而已

上六

上之畫得六為咸之遯

咸其輔頰舌

象也兌為口輔頰在口旁舌在口中輔牙車之

外頰之裏也頰兩臉輔之表也輔頰舌皆口之所以言者口有言則輔頰舌動也上與三正應三感二而舍上故上於口舌之間言之不已猶婦人之夫舍其配偶而或於他人故其婦有怨言責言也索咸卦六畫各有正

應然咸感之時欲速感而不能久俟故諸爻遠舍正應而近取所比二感三三感二五感上皆舍其正應而所感非正四本无他感而變為柔以感五亦不正也唯初上二爻雖為正應所舍然其心不敢有他初在下故舉趾以往就於四上在上故滕口以怨責於三此二爻之德視諸爻為善爻辭无占者蓋二爻之德雖无凶悔吝之感而難必其得吉无咎之應也衛莊姜之為人妻楚屈原之為人臣其亦若此者與

六畫俱六九  
為咸之損

經彖辭凡七字爻辭凡五十一字取七具切拇  
芒苟切腓房非切憧昌容切晦芒杯切頰魚叶  
切註少詩詔切舍音捨後竝同踝戶瓦  
切隨從才用切處昌據切者與音余



巽下 ○ 五之四下之一經  
震上 三陽泰變主初六

恒

此義皇巽下震上之卦而文王名之曰恒恒常久也  
 程子曰咸少男在少女之下以男下女交感之義恒

長男在長女之上男尊女卑居室之常論交感之情則  
 少為深切論尊卑之叙則長當謹正故允艮為咸而震

巽為恒也男在女上男動於外亨占也程子曰  
 女順於內人理之常故為恒也

亨

无咎

占也程子曰  
 恒之道可以

亨恒而能亨乃无咎也恒而不  
 利貞占也貞者正主其  
 可以亨非可常之道為有咎也

利貞

占也貞者正主其  
 事不失其常也

利有攸往

占也卦自泰變陽自初往四恒  
 非一定不易之謂故利有所往

初六

初之畫得六  
 為恒之大壯

浚恒

象也恒者夫婦居室之常也內  
 卦巽女為婦外卦震男為夫故

爻辭內三爻言婦道外三爻言夫道浚掘而深之也初  
 地之下有浚象婦道雖以卑巽而貴得中初巽體之下  
 卦變自四降初卑巽而入居至下之處猶不居地上而  
 掘地及泉婦之初歸以此為常才弱志卑退處深入內



職不修者也

# 貞凶

占也。卑巽之至不能正主事者也。故凶。

# 无攸利

占也。雖不正主事亦无所

利內之三爻初不及三過唯二得中也

# 九二

九居第二畫為恒之漸

# 悔亡

占也。婦以柔順為正二以剛居內卦之中中得婦位而剛非婦

德有悔者也。然應五之柔蓋賢婦配懦夫之才弱其剛也不得已以濟夫之不及而又居柔則剛柔適中而非過於剛也。故其悔亡。

# 九三

九居第三畫為恒之解

# 不恒其德

象也。一與之齊終身不改此夫婦常久之道婦居中

主饋常久不變者也。德謂食物詩言既飽以德是也。三以剛居剛位不在中婦之悍戾遭出者不得常其主饋之職故曰或承之羞。象也。或者无所指定之辭或娶妾不恒其德或賤人不知其為誰非可主饋者

也承以手奉而進之也羞食之加饌非正饌也主饋者既出不得以職其職或人非可以主饋而代之所承而進者又非正

**貞吝**

占也非可以主饌之人饌皆非常也而正主事其可吝也

**九四**

九居第四畫為恒之升

**田无禽**

象也國風女曰雞鳴之詩曰將翔將翔弋鳬與鴈弋言加

之與子宜之蓋弋獵於外者夫之事烹飪於內者婦之職四震男之初卦變自初升四為外卦之主而居不當位夫不夫矣爻位四為上卦之地故曰田不成坎象故曰无禽田无禽者弋獵於外而无所獲无以供中饋之烹雖也居柔失夫之剛蓋无才而非有惡也故不言凶悔吝

**六五**

六居第五畫為恒之大過

**恒其德**

象也外卦之中夫之正位互卦兌女之終居之女歸夫家

終其身唯酒食是議故曰恒其德

**貞婦人吉夫子凶**

占也柔中婦道之善故如此而正主

事者在婦人則吉若夫子則凶蓋五位以震男居外卦之中而為夫然柔非男子所宜也

上六

上之畫得六為恒之鼎

振恒

象也振者於終而奮迅也上震動之極然柔而不夫久矣今變

柔為剛不安於弱而為常凶占也質本柔也乃變為剛而奮欲奮迅於終以為常迅於終是欲強其才之所不能也烏能變弱而為強哉故凶

六畫俱六九為恒之益

經彖辭凡十字爻辭凡四十七字恒胡登切浚荀閏切振之切註少詩詔切長知兩切掘權月切處昌提切饋權位切悍侯玩切奉父勇切饌泰戀切烹丕庚切鉅忍審切迅音信強其其兩切



艮下  
乾上  
○七之一下之二緯  
二陰辟主六二

遯

此義皇艮下乾上之卦而文王名之曰遯二陰長而消二陽夏正六月之卦也二陰浸長而四陽退避之

也王氏弼曰柔長故剛遯亨占也此占謂四陽也時小

利貞

占也此占謂二陰也陰得時得志故小者利於正主事

初六

初之畫得六遯尾象也四陽在前遯去而初之一為遯之同人

厲

占也陰道雖長然四陽尚盛初以下陰柔敵之危之道也戒陰之進使之知所畏憚不敢前進以消陽

勿用有攸往

占也止於初而不進以逼陽則無乎可免矣故戒以勿用有所往也此卦本謂

四陽去以避陰之進而聖人設教又欲陰勿進以避陽之盛其意深遠矣

六二

六居第二畫為遯之姤

執之用黃牛之革莫之勝說

象也執謂拘留

之也二下卦之中為黃坤為牛而上畫變成艮是牛外之皮變矣故為草陰之勢浸長欲其留止勿進故拘執之以黃牛之草使之不可解說而去聖人慮陰之長而欲遏其進也如此

九三

九居第三畫為遯之否

係遯

象也陰浸長陽當避之而三與二比有所私係故曰係遯

有

疾

占也陰侵陽疾也

厲

占也治疾者去陰邪則瘳矣今係遯於陰則疾不除故為有疾而危厲

畜

臣妾吉

占也以三之陽係遯於二之陰施之於畜養臣妾則吉也臣妾謂下二陰初位剛臣也二位柔

也妾

九四

九居第四畫為遯之漸

好遯

象也陰消陽之時而四應初與之和好故曰好遯三與二私比

也故為係戀四與初正應也故為和好

君子吉小人否

占也雖有和好亦宜避去唯君子見

幾之明避禍之決乃能如此故吉若小人則必昵於情好而不善矣否不善也

九五

九居第五畫為遯之旅

嘉遯

象也五與二中正相應如嘉耦然雖嘉耦亦當避之故曰嘉遯

四與初皆不正故其相應謂之好言以情合也五與二皆中正故其相應謂之嘉言以禮合也

貞吉

占也

遯之時好與嘉皆不當顧唯當遯去四不正未必能遯故兩閑君子小人之端五中正故正主事而吉言不以

嘉耦而係其志也

上九

上之畫得九為遯之咸

肥遯

象也上卦乾三陽四五皆應陰唯上无應无私昵之累則心廣

體胖故曰肥遯

无不利

占也遯宜在人先上九遯之先也遯去而最先脫然无所累遯之最善者故其

占无不利

六畫俱六九  
為遯之臨

經彖辭凡五字爻辭凡五十七字勝音升說吐  
活切好虛到切否音鄙註長知兩切解音蟹去

陰邪起呂切瘳音抽

累郎遂切胖音盤



乾下 ○ 一之四下之二緯  
震上 四陽辟主九四

大壯

此義皇乾下震上之卦而文王名之曰大壯四陽  
長盛消陰已過其半夏至二月之卦也大謂陽也

壯強盛也陽長至四利貞  
大者強盛故曰大壯利貞  
占也陽壯盛故利於正主事  
遯二陰長則小者利於貞大

壯四陽盛故大  
者利於貞也

初九

初之畫得九  
為大壯之恒  
壯于趾  
象也初陽居剛當陽壯之  
時猛於前進故曰壯于趾  
征

凶

占也恃陽之壯盛而猛於前進非善處壯者也故以征則凶

有孚

占也四為壯之主牽聯四陽以

進以同德同位而孚於初志在同進也

九二

九居第二畫為大壯之豐

貞吉

占也以剛居中中而不過故不恃其壯以之正主事則吉也

九三

九居第三畫為大壯之歸妹

小人用壯君子用罔

占之戒辭也以陽居剛而

不中過於壯者也故戒之曰小人乘時恃勢則用其壯君子則不然故用其罔罔无也勢雖壯盛而不自恃慎然若貞厲占也剛過而不中

羝羊觸藩羸其角

象也大壯者複

體之兌九三變為柔則下卦又成兌兌為羊羝壯羊也陽之壯盛故象羝羊羸傷損也九三過用其剛如羝羊之喜觸九四剛畫在前如藩籬然進而觸之必羸毀其角大槩陽盛之時不宜過剛二居柔得中則吉初與三



以剛居剛則占皆不吉也聖人雖喜陽之進盛而猶抑其太過以示教戒也

**九四**

九居第四畫為大壯之泰

**貞吉**

占也以剛居柔善處壯者也故以貞則吉

**悔亡**

占也居不

當位本當有悔為其以柔濟剛而處壯故其悔亡

**藩決不羸**

象也變為柔則二三四成兌為羊五

當四前其畫斷而不連如壯於大輿之輹

象也坤為大輿四當坤體

之下以剛承上輿下之輹也剛畫故壯四為壯之主久以柔濟剛而進如大輿之輹強壯而可以行也

**六五**

六居第五畫為大壯之史

**喪羊於易**

象也三四五互兌為羊五變為剛則非羊矣易謂疆

場邊界將盡之處也上乃疆之盡處而五近之故為易謂喪其羊於疆場之間也

**无悔**

占也象曰喪羊

而占乃云无悔者謂羊若羣行而陰很柔身則悔无陰很所以无悔

上六

上之畫得六為大壯之大有

羝羊觸藩不能退不能遂

羝也三五

兌為羊成羣很進六五變剛則非羊矣故其爻辭曰喪羊其不變則羊之很進者自若上六之柔變為剛如藩籬之當其前羊很進既不能退前阻於藩又不能遂其進也

无攸利

占也很進不能遂故无所利

艱則吉

占也能知其艱難而不很進則可以言吉

六畫俱九六為大壯之觀

經彖辭凡四字爻辭凡七十六字羝音低羸力追切輓音服喪息浪切易音肆註長知兩切為

其云偽切



坤下八之三下之三緯離上四陰觀變主六五

晉

此義皇坤下離上之卦而文王名之曰晉晉進也離日出坤地之上進進而麗於天中卦自觀變四之柔

進居五在下之衆民進而仰觀在上之文明故為晉也

康侯用錫馬蕃庶晝日三

接

占也坤臣道也日君象也下坤進而上瞻離日有諸侯朝貢天子之象離日下照坤土有天子禮接侯國

之象康侯安康之侯猶考工記所謂寧侯也錫下錫上也猶納錫大龜禹錫玄圭之錫蕃庶多也案觀禮享之時匹馬卓上九馬隨之故曰蕃庶侯馬蕃庶皆以坤取象六五離日當中天之位故曰晝日三接者王接侯之禮觀禮延升一也觀畢致享升致命二也享畢王勞之升成拜三也三四五互坎三坎數也

初六

初之畫得六為晉之噬嗑

晉如摧如

象也摧抑退也柔順居下力弱難進將進而又抑退

故曰晉貞吉

占也順德不急於進如摧如貞吉唯自以正主事故吉

罔孚

占也四為正應而不與之孚故

曰周

裕无咎

占也裕饒益也心泰无不足之意人雖周孚處之泰然不急於求孚而終必得其孚

故无咎

六二

六居第二畫為晉之未濟

晉如愁如象也

進而无應於上故愁以陰居陰前後皆陰陰或

多慘有象

貞吉

占也中正故正主事而吉

受茲介福于其王母

占也介大也五

君位以陰居尊王母之象爾雅曰父之妣為王母以六二而言六三之陰在巳上猶母也九四之陽尊於母猶父也六五之陰又尊於父猶王母也二與五德同位應進而感格於五猶順孫之享王母王母降介福於二而二受之也朱子以此為享先妣之吉占

六三

六居第三畫為晉之旅

衆允

象也坤為衆允與軌通進也三在坤衆之先率衆同進故曰衆

允案易中以允字為象者二此爻及升初六也說文引  
升初六爻辭為執升其字從本從少諧允聲本者進趨  
也少亦進而上徹之意古者鍾鼎銘用諧聲字多只用  
偏旁蓋從省也此爻允字亦當依說文所引升初六之  
辭作執乃悔亡占也居不當位宜有悔也然坤順之極  
叶象義 前導二陰進順乎上眾進而進故其悔  
亡

九四

九居第四畫

晉如鼫鼠

象也鼫與碩同子夏傳鄭氏皆作碩說者因鼫字指

為五技而窮之鼠遂謂之鼫蛇失於僻矣碩大也二三  
四互艮象鼠九陽畫為大鼠畫伏夜動四近天子之光  
以剛居柔值大明當空之貞厲占也四之象如此而正  
畫畏而不敢進故為鼫鼠主事其進乃危行也

六五

六居第五畫

悔亡

占也柔居尊而不當位  
宜有悔也以中故悔亡

失得

占也

有失者可得位在中而陰畫虛喪失其中所有之象然陰畫居陽位陰為无陽為有而无而有失者可得之象

**勿恤**

占也又戒之以勿勞於憂恤

**往吉**

占也往工則遇剛以濟柔故吉

**无不利**

占也承上

文往字言得剛濟柔則於事无所不利

**上九**

上之畫得九為晉之豫

**晉其角**

象也角剛而在上之物以剛居上故象角

**維用伐**

**邑**

占之事也三四五互坎有維繫象伐者離為甲冑戈兵之象邑者下卦坤所象也進貴乎柔進之極而以

剛居上但可因下人之維繫用之以伐畿內未順乎上之邑而已

**厲**

占也位高故危吉占也民

**无咎**

占也以吉故无咎

**貞吝**

占也剛伐進極僅可用之以伐邑雖吉而无咎正主其事者亦

可吝也

六畫俱六九  
為晉之需

經彖辭凡十二字爻辭凡七十一字蕃音煩推  
罪雷切脆音碩註朝音潮勞力到切孰音允本  
音滔少音徹省所梗切傳  
直戀切螻音樓姑音姑



離下坤上 ○ 三之八下之三緯  
二陽臨變主六二

明夷

此義皇離下坤上之卦而文王名之曰明夷夷傷  
也字與瘼通日入地下掩蔽其明而不見若有傷

之者然故  
曰明夷

利艱貞

占也明者遭傷艱難之時  
也利於艱難而正主事

初九

初之畫得九  
為明夷之謙

明夷于飛垂其翼

象也明夷者明而  
遭傷之人謂六二

也六二明夷之主爻初九六二九三所謂明夷者皆指  
六二而言于飛謂自二升三也卦自臨變臨之九二升

為九三而成明夷初畫若變為柔則自初至五有飛鳥之象三象鳥身初二四五象鳥翼以小過飛鳥之象擬之鳥翼皆是耦畫明夷之初為鳥翼而其畫奇又居地下之位是鳥翼之傷合而不開下垂於地者也鳥之善飛者直翅而上明而遭傷之人如鳥方飛而初之翼下垂向地不能直翅以戾天也此象為六二卦主言非為

初九

君子于行三日不食

占也此占乃專就初九一畫言也

畫言君子謂初行謂道路

初與四應六四互震之中畫為大塗于行謂自初適四也二三四互坎其數三无兌口故不食六二明夷之主明而遭傷垂翼不能去初與二同體亦當靜處以俟出而在路欲就正應必至饑餓三日而不得食明夷之時皆不宜動六二中正能自守者初以有攸往主人有言剛居剛其志不能不動故其占如此

有攸往主人有言

占也往謂往二二為卦主故曰主人初九遠適四則有三日不食之厄近往二則二以其不宜動而動故亦有



言也

六二

六居第二畫為明夷之泰

明夷夷于左股

象也明夷謂六二左股謂九三二之爻位

在人身為股互震下畫為左九三者六二之左股也六二明夷之主而九三之遭傷者傷于左股也蓋九三之陽乃六二之所以為明者而自二升三逼近坤體受其掩蔽卦之名為明夷正以九三之明遭傷也故曰明夷夷于左股六二為離日之外明傷者掩蔽其外明也故明之遭傷專指九三言用拯馬壯吉占也拯救也九三為六二之左股雖遭傷然九三陽剛在六二之前互震初畫為鼻足作足之馬互坎中畫為美脊垂心之馬如危難之中用以拯救而得強壯之馬蓋九三雖遭傷而能拯救六二明夷之主也

九三

九居第三畫為明夷之復

明夷于南狩

象也明夷謂六二三為南之位卦變自二升三

故曰南狩如升之卦變自初升三而曰南狩者四時田獵之通名非專言冬也

得其大首

象也

大謂三之陽上畫為首三與上應上者三之首也故曰大首明夷之人狩於南而得大首謂能得上六也說者以武王伐紂之事譬之

不可疾貞

占也狩獵之事宜武勇乃能有獲正主事者不可示疾疾則怯

弱而損威強春秋時用師者曰探甲執兵固即死也病未及死豈敢言病奈之何其以病敗君之大事蓋亦此意若鄭人侵衛而疾作不可以執弓則不可也故曰不可疾貞疾者陰柔之為患六二明夷之主而以柔居柔然至此之時外既用九三之剛則中不可以復主於柔也故戒其不可疾蓋文王遵養時晦之時可以柔武王是用大介之時不可以柔也上帝臨汝無貳爾心今日之事有進无退牧野之師王杖鉞麾旄師尚父鷹揚將

士如虎能熊羆  
豈可以疾貞哉

# 六四

六居第四畫  
為明夷之豐

## 入于左腹

象也自外來內曰入入者  
五入之左腹者四也互震

中畫為左四之爻位在人  
為腹此言六五下交於四也

## 獲明夷之心于出門庭

象也

下卦明夷之人謂六三上卦明夷之人謂六五也五柔  
順得中而无應四與五比四腹五心也三四五艮之反  
體艮為門闕五在門闕之外門外之庭也五來比四為  
入于左腹自內往外曰出四往比五為獲明夷之心于  
出門庭獲心猶詩言實獲我心謂稱彼之心也明夷之  
時偏地昏暗以一卦言則上坤傷下離之明以各爻言  
則唯上六居暗極而傷九三之明若六四六五皆有柔  
順之德五中四正為以柔順中正相親比而處于昏暗  
之世其譬則微子箕子各數心腹以相告語  
自靖人自獻於先王者也五箕子四微子也

六五

六居第五畫為明夷之既濟

箕子之明夷

象也以箕子之賢而為紂所囚明而遭傷

者也六五居中而柔順以自晦箕子之佯狂為奴似之故曰箕子之明夷五之位與離日中畫之虛相應明也

居坤暗之利貞

占也猶彖辭之利艱貞也上文有中夷也明夷字即艱之義故此不言艱

上六

上之畫得六為明夷之賁

不明晦

象也明指九三而言九三為離日之明上六與之應相應

乃相傷者也九三之明為上六所掩蔽故不明而晦也

初登于天後入于地

象也上六

能用九三正應之明則九三之明往以應上而登于天矣天謂上也儻若商紂能用文王為三公文王之明上

登于天如兩相暉映然則文王之明即紂之明耳惟其不然文王之明入于坤地之下則羑里之囚不相應而

相傷矣非不明晦乎

六畫俱九六  
為明夷之訟

經彖辭凡五字爻辭凡八十九字拯之逞切註  
夷延知切翅施智切象為非為云偽切明處昌

據切鼻音注危難乃旦切環  
音患復主扶且切稱昌證切



離下 ○ 三之五下之四緯  
巽上 八純 兌變主六二

家人

此義皇離下巽上之卦而文王名之曰家人卦自  
兌變三往易四上來易二上體成長女下體成中

女二女各得正位而有其夫家家人者其夫也五為巽  
女之夫居三畫卦之人位三為離女之夫居六畫卦之

人位故利女貞 占也宜於女人正主事者以  
曰家人 二女之主爻皆得正位也

初九

初之畫得九  
為家人之漸

閑有家

象也卦之初汎言治家之始  
事艮為門闕初艮之下畫而

連亘如以木拒門為閑有家者防閑之於初則為悔亡

力易古語曰教子嬰孩教婦初來閑之於初也

占也男女同處不免有悔自初閑之則其悔亡案家人卦初上二爻以卦之初終取義中間四爻分上下二體取義下體在下之家也以有家之臣而言三為夫二為婦上體在上之家也以有天下之君而言五為王四為后不取遠應為配而取近比為配者家道尚親也舊說以二五相應為夫婦皆與各爻象義不協

六二

六居第二畫為家人之小畜

无攸遂

象也禮大戴記曰婦人從夫无所敢自遂也六二柔

順中正上承九三剛正之夫

在中饋

象也居中而主饋者婦人之職故曰

中饋中謂二居下卦之中饋者二三四互坎二變為剛則二三四互兌有飲食象

貞吉

占也以六二柔

順之德在於中饋之婦如是而貞其事則吉也

九三

九居第三畫為家人之益

家人嗃嗃

象也九三下體之上一家

酷貌字與嗃通如火之炎熾也離火悔厲吉占也悔者上畫以剛居剛過剛不中故象嗃嗃

而有欲改之意治家過嚴則傷思能改悔則雖厲而吉

婦子嘻嘻

象也婦謂二子謂初嘻嘻歎聲

字與嘻通苦熱痛呼之聲也亦於離火取象項氏曰家人治家者也婦子其所治者也治家失道而強威嚴行

之如谷風之有洸有潰小弁之維其忍之使為婦為子者嘻歎怨辭則不可嗃嗃嘻嘻只一意非相反之辭嘻

嘻二字在詩之噫嘻禮之嘻其甚矣左氏傳終吝占也之語語出出陽虎從者曰嘻皆為歎懼之辭

謂改悔其嚴酷則雖厲而吉此占為不改悔者言范氏大性曰治家雖不可縱弛苟過乎嚴而或近乎酷致婦

子之間常聞愁恨之聲斯賊思之大者故終吝也

六四

六居第四畫為  
家人之同人

富家

象也陽實為富謂九五也九  
五王也六四后也后所處乃

王之家也王之富家有四海  
以天下為家者故曰富家

大吉

占也大者陽也亦謂  
九五六四柔順得位

王后之賢者也不敢有其吉而以其吉歸之九五娥皇  
嬪虞塗山氏相夏大姒邑姜興周此舜禹文武之吉也

九五

九居第五畫  
為家人之賁

王假有家

象也王九五也剛中正居  
尊位天子之能正其家者

假至也字與格通如舜格于文祖公假于太廟之假有  
家與初九有家同朱子謂如夙夜浚明有家之有非奄  
有四海之有范氏大性謂此言有家猶草渙言有廟項  
氏謂王假有家王假有廟言王至于家王至于廟也澄  
謂王入廟祭告則為假于有廟退朝適寢則為  
假于有家舜在林琴文王雖離在宮之時也

勿恤吉

占也聖人心正身修齊家特其餘事外治內  
治靡不修舉故至于有家不待憂恤而吉也



上九

上之畫得九為家人之既濟

有孚

占也上九以陽實居最上之位在下者皆以誠心相應也

威如

占之象也身容整肅下皆望而畏之也陽剛嚴敬非陰柔寬弛者故威如

終吉

占也此卦之終

總言治家之終事下皆有孚而又畏之治家之道如此至終而吉非特暫焉之吉而已

六畫俱九六

為家人之解

經彖辭凡五字爻辭凡五十五字饋巨偽切嗃黑各切嘻喜悲切假庚白切註長知兩切巨居鄭切易以豉切沈音光潰胡對切譙徒谷切弁音藍嬪皮賓切大姒音泰朝音潮



兌下○二之三下之四緯離上八純巽變主六五

睽

此義皇兌下離上之卦而文王名之曰睽睽目不相視兩情乖異也火上澤下兩相背戾二女同居各異

所歸故  
曰睽  
小事吉  
占也陽大陰小睽以六五為主睽異之時陰柔主事故小事則吉大事則不吉也

初九

初之畫得九為睽之未濟

悔亡

占也无應當有悔自處得正而无求於外故其悔亡

喪馬

勿逐自復

象也言所失之馬不待追覓而自還坎為馬睽之下體兌也坎下畫之柔為兌下畫之剛

則坎體失故為喪馬初變為柔則坎體復故為勿逐自復

見惡人无咎

占也見謂目所視也二三

四互離為目在初之外而接乎四見也非往見之見人而不仁疾之已甚則致亂九四剛強不正而為敵應惡人也目不相視為睽初四雖敵應不相與而初之待四无睽異之情故日常見之不與之絕所以免於咎也

九二

九居第二畫為睽之噬嗑

遇主于巷

象也主謂五也巷者里中道離中虛有巷之象二

與五正應睽異之時難於遇合又兩皆不正二往就五與之遇于里巷之間也當睽而遇則情不睽矣无

咎

占也當睽之時正應之情不睽故无咎

六三

六居第三畫為睽之大有

見輿曳其牛掣

象也二三四互離六三互離之中畫有目

故能見三四互坎為輿曳謂從後拖曳之而車不得進也說卦傳坎之象其於輿也為曳牛謂引車之牛互離為牛掣謂以手控制之而牛不得行也六三當坎輿之後欲往應上九而柔弱不能前進若或曳其輿然九四當離牛之前剛強為梗阻隔六三之進若或掣其牛然夫牛之引車車在牛後此則三四五之坎稍前於離牛二三四之離反却於坎輿故其人而且劓象也其人謂三即乘有輿曳不進牛掣不行之象其人而且劓謂三即乘輿服牛之人也三當人位故曰其人而去須之刑劓割鼻之刑上體離有頤象三在其下頤也三變為剛是去

其須矣故為而艮為鼻九四在六三之上以剛畫易艮之下畫艮之下體不具如鼻之下端遭傷也故為鼻

**无初有終**

占也三之與牛初雖曳掣而不得合於上九然正應終必合也故无初而有終

**九四**

九居第四畫為睽之損

**睽孤**

象也四當睽時一陽介二陰之間獨處无朋故曰睽孤

**遇**

**元夫**

象也九四初九敵應不相與者然九四居柔變為柔而應初則如婦人失其配偶而忽遇元夫元夫

謂初夫也猶元配之元四陰位初陽位故四以初為夫

**交孚**

象也隨之初九九四敵應相與故初以四

為交睽之初九九四亦敵應相與故四以初為交四下遇初初上孚四故曰交孚初者四之交友也四雖以元夫視初初則唯厲占也孤而无咎占也同德相應而以交友自處也厲无應故危

**无咎**

占也同德相應而

**六五**

六居第五畫為睽之履

**悔亡**

占也項氏曰初以在下不與世事而悔亡五以柔進上行得中

應剛是厥宗噬膚象也此象及下占皆為應爻九二言以悔亡

厥宗噬膚

之宗謂六五也六五一卦之主猶宗

子為眾兄弟之主也二為五之正應而五其宗也故曰

厥宗二應五而四隔之所以睽也二至上有頤之象四

梗於其間猶噬嗑卦之頤中有物九二剛畫猶頤之下

齒能噬者也然於九四非比非應勢不相及故不噬強

梗之四而唯上就正應之五六五互坎之往何咎占也

外體而柔如豕膚之柔而易噬故曰噬膚

剛強然可以害五不可以梗二二不往外則已

往則必合於五矣豈九四所能梗哉故曰何咎

上九

上之畫得九為睽之歸妹

睽孤

象也上剛而與柔比亦睽之時而獨處者也故象與四同

見

豕負塗載兕一車先張之弧後說之弧

之象也上九離明之極故能見豕

鬼車弧皆坎之象六三互坎下畫為上九之應九四互

坎中畫為六三之梗坎下陰畫水旁土也坎中陽畫地

中水也四之水淫三之土為塗泥六三坎豕居于允澤  
 體有坎土四以坎水淫之如豕之背負泥塗也六三坎  
 輿之下畫上載九四於坎輿之中九四坎月之魄為鬼  
 一車者陽實之體充滿車中也一亦坎數四與三近而  
 不相得九四以剛險陵下而欲傷三故其先張弧而射  
 之六三以柔說承上而獲免禍故其後說弧而不射

**匪寇婚媾**

象也寇婚媾亦坎象九四說弧六三不為所  
 梗則上九正應之睽可合矣故上九謂六三

非異己之寇乃往遇雨則吉

占也雨亦坎象六三之往  
 應上九也歷四歷五四不

為三之梗而與三和如陰陽之和而雨則六三之  
 往也无所隔礙可以上合於上九矣所以吉也

六畫俱九六  
 為睽之蹇

經彖辭凡四字爻辭凡九十二字而舊本作天  
 安定胡氏謂當作而蓋古篆而與天字體相似

而誤也睽苦圭切喪息浪切復音服曳以制切  
掣尺逝切剝魚器切說吐沽切註背音佩夫牛

音扶去須起呂切不與音預易  
噬以豉切射食亦切柔說音曰



艮下 〇 七之六下之五緯  
坎上 八純震變主九五

蹇

此義皇艮下坎上之卦而文王名之曰蹇蹇者  
行步艱難之名有險在前止而不進故曰蹇

利西

南

占也凡爻位初為東三為南四為西上為北卦變蒙  
蹇自震而變屯解自艮而變蹇解之變以三四二畫

相易其義為往來於上下體交際之處故蹇解二爻其  
占為行者利往來於西南二方也若屯蒙之變以初上

二畫相易其義為往來於上下體窮盡之處  
不若西南在上下二體交際之處為利也

不利東北

占也初東山下之窮處止之最下者也上北水外之利  
窮處險之最極者也故行者不利於東北二方也

見大人

占也九五剛中正大人也六二

貞吉

占也五當位二三四

上亦當位故正主事而吉也

初六

初之畫得六往蹇來譽

象也蹇之六畫唯初四不

不行之時難於遠取正應卦中四畫相往來者皆近取比爻也卦上坎下艮故宜來而不宜往往則遇險來則可止故也初六最在下有可往无可來故爻辭以六二言之六二中正有譽者也往比三則近上體之險而蹇來比初則其止最先去險最遠而可保其譽也

六二

六居第二畫為蹇之井

王臣蹇蹇匪躬之故

象也九五王也六二王之臣也

蹇蹇蹇而又蹇也由下體之蹇歷上體之蹇故曰蹇蹇二往應五近阻九三之山已為蹇矣再前則阻六四之水



蹇而又蹇也六二之蹇者以三之故蹇而又蹇者以四之故四為窮六二中正守道安命而不尤人不以蹇而又蹇歸尤於四故曰匪躬之故子思子曰素患難行乎患難上不怨天下不尤人其斯之謂與

九三

九居第三畫為蹇之比

往蹇來反

象也反猶窮上反下之反陽自下升初起於下而動

為震升及於中而陷為坎升極於上而止為艮九三艮之上畫升極而止者也三往比四則涉上體之險而蹇來比三則是既止於上而復反於下以速險也

六四

六居第四畫為蹇之成

往蹇來連

象也連猶連諸侯連橫之連六四上體九三下體上

下異體不相連屬者也四往比五則陷坎險之中而蹇來比三則與下體連屬而依艮止之安也

九五

九居第五畫為蹇之謙

大蹇

象也大謂陽也卦自震而變震初之陽往外易五而陷坎險之

中大者朋來

象也朋謂九三卦唯二陽九三與九五同類故曰朋震四之陽來內易三而居艮止

之上故曰來九五之往外者雖蹇而九三同類之來內者得止則可幸也

上六

上之畫得六為蹇之漸

往蹇來碩

象也上六最在外有可來无可往故爻辭以九五言

之九五陽剛碩大者也往北上則冒坎險之極而蹇來比四則近下體之止漸將脫險而可保其碩也吉

占也此占為九五言也諸爻雖以來為善而不言吉者蹇之時得免於蹇為幸何望其吉也唯九五居尊位剛

中正有濟蹇之才以身蹇而未能弘濟自處利見大人得宜身漸脫險則可圖濟天下之蹇矣故吉

占也此占為上六言也五為大人上六利於見之彖辭之利見九五首六二在其下而往見也此爻辭之利見

九五者上六在其外而來見也

六畫俱六九  
為蹇之睽

經彖辭凡十四字爻辭凡四十五字蹇紀免切  
註屯職倫切解音蟹之處昌注切跛彼可切患  
難乃旦切謂與音余屬之  
欲切為九為上云偽切



坎下 ○ 六之四下之五緯  
震上 八純艮變主九二

解此義皇坎下震上之卦而文王名之曰解解謂分釋  
其糾結也雷動於上雨降於下則鬱結解人動乎險  
之外則險利西南占也卦自艮而變三往易四四來易  
難解也

南之无所往其來復吉

占也艮之上極於卦外无所往  
矣則來而反復於內以易二也

故曰其有攸往夙吉

占也艮之二處於卦內猶可有所  
往也則往而出居於外以易上也

上居六畫之前猶一日之朝也故曰夙吉

**初六**

初之畫得六為解之歸妹

**无咎**

占也為難者四陰也而二陽解之九二解之主也初六之柔居

下近比九二得中之陽順從之而不復為難解之最先者也故无咎

**九二**

九居第二畫為解之豫

**田獲三狐**

象也二地之上田也坎為狐下卦為坎三四五又互

坎二坎有三陰為三狐田之獲謂能取之而已其害也九二比初比三而應五故能獲三狐也三狐皆為九二所獲則陰得黃矢象也黃者中之色矢之齊五分其金之難解矣而錫居二以柔濟剛也九二以剛居

**得黃矢**

而象也黃者中之色矢之齊五分其金

柔而不過於剛故象矢九二所以解三狐之難者以其得黃矢也黃矢者得中而不過剛也

**貞吉**占

得中而不過剛故正主事而吉蓋解陰之難不高猛烈潛化服之使之順從而為難所以吉也

六三

六居第三畫為解之恒

負且乘致寇至

象也六三上承九四猶負重任也下乘九

二坎為輿猶乘乘車也負擔之人而復乘乘車處非其據必有劫奪之者故致寇至寇自九四而言也至謂自外而內也九四亦上卦解陰之主豈可謂之寇三四五互坎故象寇也卦之正體則三為下坎之上畫三狐之一也即負四乘二者也卦之互體則三為互坎之下畫九四之民也為四寇三者也互坎之下畫就居六三之位奪其所據柔變為剛以君子易小人不使小人乘九二之輿也六三陰類之狐九二既獲之彼不能為害矣雖乘九二九二不與校也蓋九二剛而中是以能容之九二者九四同類之朋而為六三陰柔所乘故九四使其民寇奪六三而易其類蓋九四剛而不中是以不能容之也案九四射上六則稱公奪六三則稱寇何也上六不服從九四者也九四與九二同為解陰之難者射而獲之正也六三已服從九二者也負乘之僭誠有可

罪置而不問不失為容德九四奪之固當然田廣已下漢而韓信復進襲臨菑項羽已歸太公而漢軍復追至垓下其成功雖偉帝王之兵則不如是所以亦謂之寇與貞吝占也六三為九二所以柔乘剛為九四所惡是以遭寇奪也其占正主事則可吝若難未解之時而六三之所處如此則凶矣奚止於吝而已哉

九四

九居第四畫為解之師

解而拇

象也二陽解四陰之難苟有所私係則難不解矣拇謂初

六初者四之正應而汝也指四而言謂初爻汝之拇也能解去之然後為無私係也朋至斯乎占

朋謂九二至鳥飛自上而下至地也卦變艮上之陽自上而下易二故曰至四不私於初則九二同類之陽孚

於四也二陽同解四陰而九四或私於其所應之陰則同類之朋不能無疑也

六五

六居第五畫為解之困

君子維有解

象也君子謂九二維坎象謂初三二陰維絡中

畫之陽也九二為初三二陰所維而

吉

占也九二不私於近比所以吉

能解去之不以近比而有所私也

也有孚于小人

占也六五有九二之孚也小人謂六五蓋九二不私於初六六三之近比故其

誠足以感六五之心而六五亦誠服也

上六之畫得六公用射隼于高墉之上獲之

象也公謂九四

為解之未濟

震為長子公侯之象故曰公三四五互坎為三公柔變為剛則四五上成離為矢有弓矢故用射隼陰鷙之物謂上六也上天位六鳥象之飛而戾天者初三五之陰在地在人間故象狐上之陰在天際故象隼也二三四互離有墉象九四居卦之上體互離之三畫故為高墉之上獲之者上柔化剛為矢之鏃離矢發于九四之手

而達于上六之翼柔畫化剛猶以矢鏃之實貫鳥翼之  
虛而獲之也初之一陰最在下九二解之甚易上之一  
陰最在上九四解之甚難故於卦終而後能獲之无不  
也繫辭傳謂之待時而動則非如初六之易解矣  
利占也初六六三六五於九二為比為應力之所及故  
九二能獲之上六一陰於九二非比非應力之所不  
及故九二不能獲之也九四上六雖不近比然同在上  
體上柔化剛為九四之離矢矢能及上故上六為九四  
所獲也上六陰柔小人據高恃遠最難獲者也今能獲  
之則四陰俱為二陽所獲而陰柔之難无不解者矣故  
其占為於事  
无所不利也

六畫俱六九  
為解之家

經彖辭凡十六字爻辭凡六十三字解音蟹拇  
而苟切乘平聲射食亦切隼筍準切註險難乃



旦切後同不復扶豆切而復復進復追同齊才  
詣切乘車成證切為四云偽切冠與音余所惡  
鳥路切鏃子木切甚易易解  
以致切甚難如字傳直戀切



兌下 艮上 ○ 二之七下之六經  
三陽泰變主六三

損

此義皇兌下艮上之卦而文王名之曰損損謂減殺  
之也凡陽為有餘陰為不足殺陽之有餘以補陰之

不足卦自泰變損三之陽益有孚 占也六三孚上九也  
上之陰故取損下益上為義 卦體內外實而中虛

似中孚損下益上民孰不疑其厲已然當損之時  
而損在下者以為當然故誠心應上而無疑也 元吉

占也六三卦之主居下卦无咎 占也六三不當位咎也  
之上元也當損而損故吉 以合時之宜故得无咎

可貞

占也柔非能正主事利有攸往 占也卦變三往益  
者合時宜則亦可也 上故利有攸往

曷之用二簋可用享

占也上五占以六三上九言此一占以初二四五言用者得此占而

用之於此事先為問辭曰曷之用乎答云所用者二簋也雖二簋而亦可用之以享祀蓋用於損之時為宜也下卦兌為食六三饋食之主也初二在六三之內象二簋陽實為黍稷實於簋初應四二應五象二簋以享祀上之神二簋盛黍稷禮之甚薄少者然當減殺之時則薄少為宜故可用享也二兌數

初九

初之畫得九為損之蒙

已事遄往

占也初在下而與四應以下陽益上陰已止也事所

自作為之事陽動喜作為初在下蓋止其所作為之事而速往以益四也

无咎

占也初九陽動喜於作為

蓋有用之才而能遄往以求為上益此處下之道也故无咎

酌損之

象也四受初之益如以器挹取

初之有餘而損之也

九二

九居第二畫為損之頤

利貞

占中也宜自守其

征凶

占也二三四互震為

大塗有征行之象二當自守不當征行上就六五也

弗損益之

象也二與五應當自損以益五然五

雖柔而居剛非不足者二雖剛而居柔非有餘者故二弗損已唯以中相應自可益五也案初九九二皆是以下卦之陽益上卦之陰者而交辭之意相反初必自止其事而速當上往就四二宜自貞其事而不可上征就五初之益四則損已而益之二之益五則不損已而益之蓋初以陽居陽二以陽居陰故不同也

六三

六居第三畫為損之大畜

三人行則損一人一人行則得其友

象也卦自泰而變泰下卦三陽三人行也減三陽之一以益上損一人也上之一陰來易三一人行也三上相交而得上九之益得其友也三人位故曰人行亦於互震取象友能益已者也九自三往上而為六之益六自

上來三而受九之益  
故上為三之友也

六四

六居第四畫為損之睽

損其疾

象也凡損卦皆是損下益上初剛好作為此有餘之疾也

四酌而損之取初之有餘益已之不足是損初之疾也其指初而言

使適有喜

占也疾則有憂疾愈

則有喜四損初益已使初之疾愈而適有喜也

无咎

占也四居上能取在下之賢以益已故无咎有

喜屬初无咎屬四

六五

六居第五畫為損之中孚

或益之

象也五受二之益故二益之或者不為必然之辭也

十

朋之龜弗克違

象也古者五貝為一朋王莽時改兩貝為一朋十朋之龜一龜直五十貝大寶

龜也弗克違謂龜謀從已自之吉也自二至上肖離有龜象然因陽自三往上而成此象故十朋之龜專指上

九而言謂二僅益五則非但元吉占也居三陰之上元

二益之而上亦從其謀也

上皆益之所以為元之吉也

上九

為損之臨九

弗損益之

象也九自三而往益上者既往益上又還益六三之

柔其於益上也損下而自能益之

无咎

占也益上而下不損故无咎

貞吉

占也此爻三占與彖

辭同但彖言可貞爻言貞吉為異彖以六三言陰柔之貞可而已上九陽剛之貞則吉也

利有攸往

占也因三往上而有攸往

得臣无家

象也成卦由三上相易上九居上為君六三在

下為臣自三而言則三得上為得友自上而言則上得三為得臣也凡臣之有家者公則利其國私則利其家未免不專於奉上三獨陰居下專意奉上臣之无家而專於為國者也故曰无家謂不有其家也賁誼曰為人

臣者國  
爾忘家

六畫俱九六  
為損之咸

經彖辭凡二十一字爻辭凡八十字已事音以  
過市專切註殺所戒切饋食音嗣咸音成好虛  
到切為國  
云偽切



震下巽上 ○ 四之五下之六經  
三陰否變主初九

益此義皇震下巽上之卦而文王名之曰益益謂增補  
之也卦自否而變上損九四之陽下益初六之陰故

以損上益  
下為義  
利有攸往  
占也二之柔中正往  
應五之剛中正也  
利涉大川  
占也

自初至五  
有舟之象

初九

初之畫得九為益之觀

利用為大作

占也初自四來益下為主凡益下之事必

大有所興作陽居震動之初大作者也

元吉

占也為益之主元也大有所興作以益民故吉

无咎

占也大作者益下之事而非勞民動眾也故无咎

六二

六居第二畫為益之中孚

或益之

象也二受五之益益之謂五也益六二即損六五也故爻

辭十朋之龜弗克違

象也二得益於初而初至五有龜象十朋之龜指初九而言謂五當

來益二則非特五益之而初必從其謀也

永貞吉

占也六陰也故有永貞之戒謂能永久正主事則吉

王用享于帝吉

占也王謂五二地上也祭天掃地而祭因吉上以饗帝於郊九五降心在

二猶王者於地上享帝能致帝之來格也故吉

六三

六居第三畫為益之家人

益之

象也凡益皆損上益下初九自四來益下六四受初九之益而

易位居上此已益者也五上在上之二陽當益二三在下之二陰此方益者也九五能益六二而上九不能益六三六三在下體當其益者也故曰益之然非上九益之乃自能益之也何以能自益六之質陰也陰雖不足三之位陽也陽為有用凶事无咎占也凶事謂喪禮也餘故六三能自益也用凶事无咎六三既无外來之益而唯以己所自有為益以此而用之於凶事則无咎也凡他事皆可待人之益喪禮有縫賄賂贈亦資人之益者然或偶无人益則急遽不暇於營求唯當隨其見在者所有以供事蓋親喪當自盡於己而不當取辦於人稱家之有无可也苟无矣斂手有孚占也初九孚六三也足形還葵无槲人豈非之乎六三既不受上九之益初九為益之主與六三同體其剛實之誠能感六三者也

中行告公用圭

象也中者三居



六畫卦之中也行者震為大塗之象公謂初九初九孚  
于六三故六三在中路而告初九以致歸嚮求益之意  
臣之告君用圭以通信如禹告治水成功則以玄圭錫  
帝也圭指六二言震為圭六二震之中畫也能為六三  
通信於初九三與初在下卦雖同體然非比非應必因  
六二以通其信六二外比六三而下近於初則二乃初  
九之近臣也故六三用  
二為圭以通信於公

六四

六居第四畫中行告公從

占也中者六畫卦中之位也行者與初九畫互

易而居其位也九陽自上益下而下居初六陰自下受  
易而上居四六四與初九為應而交相為益者苟有所  
不足則於中路告公而公從之也三四二爻皆中中行  
告公謂居六畫卦中之位不親造公所而使人告也四  
與初正應故其告公也公從其所告三與初非正應又  
非近比故其告公也必因六二為圭以通其信不敢必

其從也故三不言從利用為依遷國占也凡遷國必有

而四不言用圭也所依左氏傳謂周

之東遷晉鄭馬依是也故曰依遷國初四相易各去其

位故曰遷二三四互坤國之象陽君也陰民也六二六

三國之舊民不遷者四遷於初而依六二遷國之君也

初遷於四而依六三新遷之民也故此丈之占利用之

以依於人而遷國

**九五**九居第五畫**有孚**占也此言六二孚九五也**惠心**

象也惠者懷其恩也五為心二**勿問**占也問即繫辭傳

孚於五而惠九五益之之心也**有孚**占也此

勿問者不元吉**元吉**占也五之德與位皆為元

待占筮也**有孚**占也此

孚初也**惠我德**象也六二不但有孚於九五而惠九五之

九也**心**又有孚於初九而惠初九之德初為卦

九也**心**又有孚於初九而惠初九之德初為卦

九也**心**又有孚於初九而惠初九之德初為卦

主故指初為我初剛實六二所食者故曰德二五相應  
應遠故惠其心初二相比比近故惠其德也爻辭言九  
五所應之六二因及六二所比之初九六二爻辭亦言  
六二受九五之益而又得初九之弗違與此爻辭之意  
同

上九

上之畫得九為益之屯

莫益之

象也上九當下益六三而不能益之故曰莫益之

或

擊之

象也擊者虐害之也三四五互艮為手有擊之象上九之於六三非徒不能益之而或又虐害之故

曰或擊之

立心勿恒

占之戒辭也立如三十而立之立謂固守之也五為心而在上九之內立心者固

守其在內之心也恒常久不變也益之上下二體互易為恒恒與益相悖者也故戒之曰立心勿恒如此而不變也  
占也苟恒如此不益民而害民則  
民莫之與而或傷其君凶之道也

六畫俱九六  
為益之恒

經彖辭凡九字爻辭凡九十字註禪音遂媚方  
貢切賻符遇切見在賢遍切稱昌證切飲力檢  
切還音旋能為云偽切造  
七到切傳直戀切悖音佩



乾下  
兌上  
○ 一之二下之七緯  
五陽辟主九五

夬

此義皇乾下兌上之卦而文王名之曰史五陽長盛  
而消陰將盡夏正三月之卦也史決也五陽決去一

陰  
也揚于王庭

象也高舉在上曰揚推播在前曰揚王謂  
五庭謂上五王之居也上六在王居之前

王之庭也一陰處於五陽之上故孚號象也孚謂九五  
曰揚于王庭猶詩言在前上處也孚號象也孚謂九五

號呼也一陰在五陽之上處不自安孤立將亡而與五  
比故號呼以求援於五然小人失勢則祈哀乞憐於其

所親厚之君子及稍得志則傾害君子不有厲占也此

遺餘力君子豈可因其號呼而遽信之哉占為九

五言也九五之先四陽以進而與所決之一陰比

近苟以狎昵之故信其號呼遂不察其中心之狡而哀

憐之則危矣有厲者今雖未危將有危之漸也或以此

占為言上六非也上六將亡矣爻辭謂之終有凶奚止

於有厲告自邑象也兌口有告之象卦自坤變坤為邑

而已哉坤之五陰變為陽僅存坤上六之一畫

邑之削小者也告自邑將以起不利即戎占也范氏大

徒後然邑小民寡雖告何為性曰兵戎乃

用衆坤為衆乾變坤至五則利有攸往占也往指九五

幾於无衆矣故不利即戎言九五往而上

進則為純乾矣

初九初之畫得九壯于前趾象也卦以五陽決一陰乾

為史之大過三陽兌二陽乾健兌說彖

大邑曰公邑  
易纂言  
三

傳言健而說決而和和者剛柔適中也健而且說二者  
不偏如此決之而後和偏於健則剛過而鄰於暴矣偏  
於說則剛不及而流於懦矣下體健者也初三剛居剛  
而不中有過而暴之失九二雖健體而居柔得中故不  
暴上體說者也九四剛居柔而不中有不及而懦之失  
九五雖說體而居剛得中故不懦爻辭於初三之壯則  
戒其過於四之次且則勉其不及二雖健而惕懼五雖  
說而史史唯其中故能无過无不及也項氏曰史初至  
四大壯也加九五一爻而成史下四爻與大壯相似初  
之壯趾二之以中三之用壯四之悔亡是也丁氏易象  
曰四陽為壯五陽為史大壯初九曰壯于趾此曰壯于  
前趾因大壯而言也澄案初為趾四在下卦三陽之前  
而與初趾同位前趾謂四之位也初九居一卦之下急  
於前進以決上六之陰故用其勇壯欲起升大壯四陽  
之位以近九五而決上

# 往不勝為咎

占也勝謂勝其任  
壯于前趾勇往也

往而不勝其任則為咎矣戒之之辭也

**九二**

九居第二畫為史之草

**惕號**

象也惕懼也剛中實故能惕號指上六而言九二得中不過

剛故當五陽勢盛之時聞上

**莫夜有戎**

象也二地上之

六之號呼待盡猶且微懼也入地下莫夜之時也戎者二

**勿恤**

占也能微懼則知戒備矣故雖莫夜之時

卒有兵戎之變亦不用憂恤也

**九三**

九居第三畫為史之兌

**壯于頄**

象也頄面顴骨謂上六也史之三即大壯之三其壯也猶

大壯之小人用壯壯于頄者言其勇壯及于上也三與上應當史之時應爻乃其所欲決者猶噬嗑之時應爻乃其所嚙**有凶**占也陰固當決去然待其時以具漸則噬者也

下凌上非十全之道故有凶

君子夬夬

象也剛居剛而不中為小人

而復丈其決柔之意未嘗止息然不恃剛過壯也

獨行遇雨若濡

象也君子不

交而去之自有其道史五陽而九三獨與上六一陰應陰陽和為雨故有獨行遇雨而濡之象若語辭猶言而柔則三四五上肖坎象雨象濡有愠占也獨為上六所而欲无咎占也雖欲決之然決之而決之无勞力傷已之咎也

九四

九居第四畫為史之需

臀无膚

象也四居上體之下為臀膚在臀下而柔者四乘九三之

剛其下不柔臀无膚也

其行次且

象也以剛居柔又為說體當同進決柔而其進不勇故曰行次

且牽羊

象也兌為羊羊羣行九四兌之下畫羊之在後者九五兌之中畫羊之在前者也牽謂牽聯而



進四隨九五

悔亡

占也次且本當有悔九五陽長之主

以決柔則其悔

聞言不信

然四爻剛實塞而不虛耳之

不聽者也言謂流言遺言之言信實也

九五

為九居第五畫

象也項氏曰覓音凡土羊

于陸之陸澄案項說是也覓字上從廿羊之角也中從

從艸從見覓解作草名羊羣之行山牽而前引之牧於

其前猶覓之行山路故曰覓陸史史者中行象也中行

路至中半也未中半為不及過中半為无咎占也五在

中則不恃剛而過亦不比陰為不及故无咎

上六

上之畫得六為史之乾

无號

象也上當兌口故為號呼之象

惕號二聞上之號也夫以五陽上進一陰豈能久存而猶號呼者所謂將死之鳴臨絕之音也其終也上六變為純乾則一陰消亡而无復號呼之聲終有凶占也卦矣故曰无號无有无之无非禁止之无陰消亡不復能存故曰有凶也

六畫俱九六為史之剝

經彖辭凡二十字爻辭凡七十六字大君邁切號平聲後同勝音升莫音暮頌求龜切臀徒敦切次七私切且七餘切覓戶官切註為九云偽切說音曰傳直戀切卒七率切觀音權當擬結

切復丈扶豆切无復不復同陽  
長知兩切九戶官切殺音古



巽下 乾上 ○ 五之一下之七緯  
一陰辟主初六

姤

此義皇巽下乾上之卦而文王名之曰姤一陰初生於地下而消一陽夏正五月之卦也姤遇也一柔遇

五剛也女之邂逅而與男遇為姤

女壯

象也下巽為一索之女女生之最先者陽長至四畫然後為壯

姤一陰初生而曰女壯何也蓋初陰雖微四為應已足敵四畫之壯陽矣故曰女壯

與勿用取女

占也一陰初生已能消陽故戒之以勿用取此女也

初六

初之畫得六為姤之乾

繫于金柅

象也柅以止輪金者喻其堅也坎為輪坎之上爻為

剛畫是以堅剛之柅柅其輪也剛畫為金金柅指九三而言金柅止輪之行於前而又繫其輪於柅之後則輪

不可動矣初象輪之後牙棍之於前三也繫之於中者二也以象固止初陰使不得前進如是則可无陰長消

陽之貞吉占也使初陰止而不有攸往見凶占也初陰患矣進正主事則吉也

消陽陽勢猶盛往則不敵必見羸豕孚蹢躅象也羸瘠凶也此亦戒初六使不進也

靜也坎為豕坎上畫之柔為巽上畫之剛則坎之外體變矣柔象內剛象骨坎外之柔為剛如豕之外體无肉

而有骨也故為羸瘠之豕乎謂初六乎於九二也微陰雖孚應於陽而其中未易制伏如羸形之豕雖暫孚而

猶懷蹢躅之心也蓋坎之外體雖變而其內體不變如豕之外形雖羸而其心常不靜也聖人為戒之意深矣

九二為姤之遯包有魚象也初與四為正應而與二比近故先為二所有古人魚

肉色之以草詩曰野有死麕白茅包之是也魚陰物謂初二能得之猶包苴之中有此魚也二陽畫連亘有包

初二能得之猶包苴之中有此魚也二陽畫連亘有包

之象巽為魚魚者

无咎

占也蔡氏曰遇雖非

正不利賓

占也初卦之主四對之故為賓乾亦為賓賓主相對遇之正也九二以近比而得初九之遇則初不復往遇於正應之四矣故其占為不利於賓也

九三

九居第三畫為姤之訟

臀无膚

象也四為臀三在四下剛而不柔猶臀之无膚也此三四

比近而二剛不相得之象

其行次且

象也三與四既不相得四欲下行與初六正應相遇而為三所

阻隔故其行次且姤之九三即史之九四故其象同行次且者九四以陽居陰故行次且舊註以為三之行者

非史九四之行欲上決一陰也

厲

占也三以剛居剛過剛而不中居下之上

故无大咎

占也三之自處雖危然下能柅初六之上進上能阻九四之下行不使陰進遇陽而消陽

也有防微杜漸之功故  
於陽剛之道為无咎

九四

九居第四畫  
為姤之巽

包无魚

象也初者四之正應而為二  
所得故二之色中有魚而四

之色中起凶

占也已之正應與他人遇猶男之失其配  
君之失其民也今雖未凶凶由是起矣

九五

九居第五畫  
為姤之鼎

以杞包瓜

象也下巽為木二巽之中  
畫其位與五位之天同象

木之高聳參天者也故為杞瓜地下之瓜陰物也謂初  
六二與初遇包而有之猶杞木之葉下包其瓜也九五

剛中正居尊與九二之位應二之得民猶五之得  
民也二杞包初瓜以之者五也故曰以杞包瓜

含章

象也九五變為柔與二正應而藏  
二三四之三陽在內故曰含章也

有隕自天

象也五之  
剛中正

上在下者皆欲遇之然初六九二非比非應无由得而  
相遇今五變為柔以應二比四而包含三陽之章於內

則三因四之比初因二之應皆得以過於九五如有物  
自天而墮於下也九五天位墮於下謂與下相接而為  
在下者  
所遇也

上九

上之畫得九  
姤之大過  
姤其角  
象也剛而在上者角也至姤

也吝

占也前不可進剛而  
能觸竟何為哉故吝  
无咎  
占也處時之窮  
非已有咎也

六畫俱六九  
為姤之復

經彖辭凡七字爻辭凡六十八字姤古豆切取  
七喻切梃乃履切羸力追切躋直戰切躅直錄  
切註索所白切陽長知兩切墮云隱  
切膚觸困切不復扶豆切蔽即可切



坤下  
兌上  
○八之二下之八緯  
四陰觀變主上六

萃

此義皇坤下兌上之卦而文王名之曰萃萃聚也兌說為澤坤順為眾為地在上以說臨其下民聚於下

以順其上澤者水之所歸澤滿溢而上於地則澤不受水而眾流之歸皆聚於地上故為萃王假有

廟象也王謂九五艮為廟二三四互艮六二艮之下畫廟之內也五下應二是王者至於有廟聚已之精神

以聚祖考利見大人占也五陽剛中正為大人四占也精神也利見大人也亨占也

大人能聚天下利貞占也能致亨則用大牲吉占也大

之眾美者也利貞宜正主事矣用大牲吉占也大

牲少牢為次牲特牲為小牲下坤為牛上利有攸往占

允為羊三四五上肖坎為豕三牲具也六二上應九五為往物聚而眾多則宜備禮人聚而眾多則宜出外損之時則用二簋而可萃之時則用大牲吉屯之時則勿用有攸往萃之時則利有攸往各順其時也



初六

初之畫得六為萃之隨

有孚

占也四以說道聚民而與初應故有孚于初

不終

占也

四位不當故其孚不終

乃亂乃萃若號

象也初以四之孚不終故其志擾亂與三陰相聚而

號呼以求四之孚初柔變為剛成震故有聲而號

一握為笑

象也初之號眾皆笑之一握猶言一

指能握笑者蓋二三笑之三為兌口之倒而向下者故

之能笑初

勿恤

占也雖為眾所笑然所求者正應故戒之以勿恤

往无咎

占也勿恤眾笑

上往求四則无咎也

六二

六居第二畫為萃之困

引吉

占也二聚于下而順上五說乎上以聚下中正相應然二柔居

柔懼其易變故戒之以引而至于長久則吉

无咎

占也能引而得吉則无咎也

孚乃利用

禴

占也乎謂六二之誠乎于九五也禴者夏祭之名舊說相承以禴為薄祭蓋宗廟四時之祭春祠夏禴秋

嘗冬烝其孝誠一也物則隨時而有厚薄之殊秋之時萬物成熟故秋嘗之物豐冬烝則彌豐春之時萬物始生故春祠之物殺夏禴則彌殺卦位五為天上卦之中也上為北五者日行天中而近北夏之時也故凡禴祭之象皆以五而言二之順五以其中正而已然陰虛非實故為之戒云必其誠實先乎於五乃可於萃聚用大牲之時而利於用夏月薄物之祭以事其上蓋誠既先乎則在上者不疑其簡也項氏曰羣聚之時為禮當厚必如二五之交信在其中而後外可畧也

六三

六居第三畫為萃之咸

萃如嗟如

象也三與下二陰萃於下而上无應故嗟嘆不得志

六三兌口之倒體能嗟

无攸利

占也

往无咎

占也三雖无應而比近九四之陽苟能往而上

求九四則小吝占也若但安於陰小而可无咎不上往求陽則吝矣

九四

九居第四畫為萃之比

大吉

占也四應初下臨三陰之聚可以得民矣然位不當而其孚不

終蓋雖陽而居陰故也若如九五之以陽居陽則吉矣四雖陽畫而非陽位必陽畫居陽位而後為大也凡九居二者雖中而非大中必九居五則畫與位俱陽而謂之大中此大吉之大猶大中之大无咎占也九五以陽居陽之大則吉乃可无咎也

九五

九居第五畫為萃之豫

萃有位

象也萃之時陽畫居陽位故曰萃有位

无咎

占也

匪孚

占也二為五之正應然以柔居柔陰虛不實或未能孚于五也故曰匪孚二之爻辭以為必能孚于

五而後利於用禴亦因二之不足於孚而戒之也

元永貞悔亡

占也九五以陽居陽其占固為

无咎矣然儻未能得二之孚則當有悔必有元以長人之德永久貞其事則其悔乃可亡也大抵聚而衆多之時慮其不可以久故二以引長而後吉五以永貞而後悔亡皆欲其久而不變也

上六

上之畫得六為萃之否

齋咨涕洟

象也齋咨者嗟歎之聲涕目液涕鼻液兌口有聲三

四五上肖坎有液上自四升上為萃之主以柔居柔不敢當天下之聚故不安於居衆人之上而至於齋咨涕洟可謂懦而无咎占也說極而致天下之順聚雖无立者矣柔懦不安无傷於萃也故无咎

六畫俱六九為萃之大畜

經彖辭凡二十字爻辭凡七十四字舊本卦名下有亨字程子曰義文也陸氏曰馬鄭虞陸績竝无此字晁氏曰王昭素謂當无假庚白切號平聲禰羊畧切齋將兮切洟音夷註說音曰少

牢詩照切殺所  
戒切長知兩切



巽下 ○ 五之八下之八緯  
坤上 二陽臨變主初六

升

此義皇巽下坤上之卦而文王名之曰升升上進也  
萃與升皆自坤取義萃者兌之一陰說而為主於上

故坤之三陰順而聚於二陽之下升者巽之一陰入而  
為主於下故坤之三陰順而升於二陽之上又地氣上  
騰木生地中日元亨占也元以二陽之大而言用見大  
進而上故曰升四陰巽順而應之故亨

人勿恤

占也升者萃之反萃九五在上之大人三陰萃  
而在下者利往見之升九二在下之大人三陰

升而在上者降而來見則可勿恤言其无憂也

南征吉

占也卦自臨變初三相  
易一陽在初上進居三

三南也故於南方征行則吉也

初六

初之畫得六為升之泰

允升

象也說文引此爻之辭允作軌進也諧聲字本義存聲從省作

允升自臨變升之初六本臨之六三也臨六三之陰下退于初而進初九之陽以上升于三也故曰允升大

吉

占也大指三之剛畫而言臨之初與三易位故剛得上進以升于三居下體之上而吉也

九二

九居第二畫為升之謙

孚乃利用禴

象也二剛中而應五然五柔未易速孚故必俟

既孚於五而後乃利用禴也禴者宗廟之禮薄於常時者蓋升其誠意於上以誠不以物也

无咎

占也

誠孚於上而後用禴則上不疑其簡故无咎

九三

九居第三畫為升之師升虛邑

象也臨之三四五互坤為邑柔畫耦為虛三自初而升以

實臨三之虛故曰升虛邑

六四

六居第四畫為升之恒

王用亨于岐山吉

占也王謂九三二三四互兌兌西方

坤為國邑西方之山在國邑之內者岐山也山地示陰神也兌上畫陰也以象岐山之神九三兌之中畫為王九三之陽升其誠意於上之陰神祭山之占也隨上六王用亨于西山亦以九五兌中畫為王上六兌上畫為山之

无咎

占也三四之相得以近比非以正應有咎也然九三之誠上升于四以合乎坤之順故无

咎

六五

六居第五畫為升之井

貞吉

占也二剛中而應五五階之而升故正主事則吉

升階

象也二之升至五如升階然坤三耦如地勢之自下而高也故象階

上六

上之畫得六為升之盡

冥升

象也上天上位也在青冥杳冥之上而陰又昏暗故曰冥升

利于不息之貞

占也位在上則為冥升位之升不可過高也唯進德不息而正主事則利蓋德

之升愈高愈進其升无已時也

六畫俱六九

為升之无妄

經彖辭凡十二字爻辭凡五十三字用亨許兩切註說音曰執音允示與祇同



坎下 ○ 六之二下之九緯 允上 三陰否變主九二

困

此義皇坎下允上之卦而文王名之曰困困窮瘁也字象木在口中四面不得通達二之一剛為初三二

柔所揜四五二剛為三上二柔所亨占也卦德內雖有揜蔽塞其前後无由通達故為困亨占也卦德內雖有

處困而貞大人吉占也卦自否而變上之陽下居而為可以亨困之主剛中之大人也正主事者以



此大人則吉

**无咎**

占也困之時有此大人貞其事而吉乃可无咎

**有言不信**

占也兌口在上

有言之象以言傷人而其言誣毀不實不能困人也

**初六**

初之畫得六為困之兌

**臀困于株木**

象也卦唯初四有應臀謂四也三四互巽為

木木下曰本木上曰末木中曰朱字正作朱後人加木為株朱為木之中身也四為巽木之中畫故曰株木四

欲下拯初而不能來猶臀入于幽谷象也在地之卦之內故之困于朱木而不能動也

為幽水注溪曰谷坎水之下故為谷以柔居下在困之初不得正應之助故入于幽谷不能自拔以出於困也

**三歲不覿**

象也三坎數也幽谷之中雖三歲之久不能上覿四之正應也

**九二**

九居第二畫為困之萃

**困于酒食**

象也坎為酒兌為食九二處坎中畫應兌中畫得中

而以酒食優游自養者也。在困之朱紱方來。象也三四時他无所困但為酒食所困而已。

股三又股之位也。二三四互離為牛。二以離牛之草蔽于巽股之下。紱之象也。朱者赤黃之色。坎之色赤中之

色黃。坎之中畫居下卦之中。為朱紱。利用亨祀。占也朱卦變九自否之上來二故曰方來。

服之紱也。困于酒食之時而上之人方征凶。占也困之且賜以祭服之紱故利於用之以亨祀。

養可也。征行則无咎。占也以其得中能固守失其中而凶矣。

六三困于石。象也坎中畫之剛為石據于為困之大過。

蒺藜。象也據者居其上也。謂居坎之上畫也。蒺藜之入象亦坎也。坎之上六曰寘于叢棘。即此蒺藜也。

于其宮。象也三五離之中畫中虛象宮。不見其妻。象也三陽位夫也。其畫柔夫之柔邪者也。

上陰位三之妻也三雖有離目能視然妻在離宮之  
外柔與柔不相應夫與其妻隔絕故不得而見也  
占也此爻之辭蓋謂困苦拘囚之人六三陰柔不中正  
猶周官所謂罷民也困于石其坐諸嘉石者與據于蒺  
藜其實之園土而薦之以棘者與入于其宮不見其妻  
則雖暫時還家而其妻已離異隔絕也國語云罷士无  
伍罷女无家蓋古法凡坐嘉石入園土之罷民則離異  
其夫妻而不使之有室家與凶者傳所謂既辱且危而  
死將至也

九四

九居第四畫  
為困之坎

來徐徐

象也來謂下應初徐徐者  
以居柔而其行不勇也

困

于金車

象也坎為輪為輿金者剛物九四坎之下畫也  
剛而成兌金如以金錮其車輪也雖堅固而不

利轉行之所以遲  
也故曰困于金車

吝

占也下來拯初而  
重滯不速故吝

有終

占也不速  
雖可吝然

終必能下  
與初應也

九五

九居第五畫  
為國之解

艱

象也艱高而不自安之象五  
居互巽之上畫巽為高居高不

安故

困于赤紱

象也赤紱者二也五既居高不安九二  
在應位而非正應故不能為助而反為

繫累故為  
困于赤紱

乃徐有說

象也二既不應而五之中正能自  
處雖有所繫累而能徐徐說去之

也利用祭祀

占也赤紱常繫于身雖困人而用之以祭  
祀則為宜故利用祭祀陸氏曰祭一本作

享程子曰享祀祭祀泛言之則通分言之則祀天神祭  
地亦享人鬼澄紫帝天神也而亦言享禴人鬼也而亦  
言祭難以分言二五爻辭  
宜同陸氏別本作享為是

上六

上之畫得六  
為困之訟

困于葛藟

象也三四互巽木也上六  
以柔纏繞於巽木之上葛

困于葛藟葛藟之象故為于臲卼象也上六又處九五之上畫既高而不安愈高愈不安

于艱碗

上困字故不復言困

矣故為困于詭視蒙曰動悔有悔

豫占也二悔字之義與

曰動悔有悔

極圖欲離去曰者兌口之言也其言若曰自處未善征  
故困今當動而改悔然雖如此亦不免於有悔也

吉 占也若能征行則離于困矣故吉蓋曰動悔者言之  
虛也征者行之實也苟徒有其言而不勇于行則亦

何能離  
因哉

六畫俱六九  
為困之貴

經彙辭凡十二字文辭凡九十五字九五文辭  
號碗舊本作剗剗陸氏曰荀王肅陸績作號碗  
鄭云當為倪仇晁氏曰倪仇即號碗之省文也  
與上六字同號五結切碗五骨切有說吐活切

註口音圍說音曰罷民音皮下罷女同者與  
家與音余傳直戀切離去離于離困來至切



巽下 坎上 ○ 五之六下之九緯  
三陽泰變主九五

井

此義皇巽下坎上之卦而文王名之曰井井人  
取食水之所巽木下入而取坎水至上故為井

改邑

不改井

象也卦自泰而變上體坤也為邑泰初易五坤  
地之中畫降初而坤邑變成坎水此邑之改也

泰五易初而初二三四肖坎坎水在下為井之象二  
三之陽畫井水也而二畫不改易此井之不改也 无

喪无得

占也占者无所喪亦无所得蓋邑雖改而實往  
无減損故无喪井不改而非有增加故无得往

來井井

象也又以卦變往來取象初上往五而成坎體  
井水之至上者也五下來初而初二三四亦肖

坎體坎水之在下者也剛工往而成上之井柔下  
來而成下之井故曰往來井井此向上下二象

汔至

亦未繙井

象也此申言往而至上之井汔幾也繙者汲水之綆井卦三陽畫象水以水之至上者而

言九五之水至坎中畫未至坎上畫雖幾贏其瓶此申於至而水猶未出井口也亦與未繙井同

言來而在下之井羸損傷也瓶者汲井之甕以水之在下者而言二三之水實在汲井之瓶而下一畫耦猶瓶

底傷損而凶占也此占專水下漏為羸瓶而言

初六

初之畫得六井泥象也井以陽剛為泉陰柔為土為井之需初六陰柔在水之下故為泥

不食

象也居卦之下井在卑下之地而淺者也舊井无有泥无水而不可食遠於兌口不食之象

禽象也不為人所食則為荒廢之井故曰舊井井在卑地者禽鳥或食其水杜詩鷓鴣窺淺井是也泥而不

可食不但為人所棄雖禽鳥亦不下顧

坎禽象也在上而不來下故曰无禽

九二

為井第二畫

井谷

象也九二陽剛象井中之水井水上出而不下流初六耦畫象

谷在九二之下下流不塞而水泄於

射鮒

象也鮒謂小魚亦指初六

初六巽下之陰象魚水既下注惟

甕敝漏

象也甕汲水之器即象所

謂瓶也九二剛畫中實象水實甕中初畫耦象甕之敝舊而下漏者二无應於上而水不上出故其象如此

九三

為井第三畫

井渫

象也九三剛居剛居下不食象

二三互兌三在兌口之

為我心惻

象也我心謂九五

稱我居心之位惻者為之動心也以九三之渫而不見食故九五之心為之惻然閑其不見用於時也蓋卦唯

九五三以剛居剛為可食之清泉九五居上體在兌口之上人所食者也九三居下體在兌口之下人所不



食九五所以可用汲占也如三之清王明並受其福占

之意仕進者遇王之明則必見用而賢人與衆人俱受其福王五也三四五互離為明賢者為明王所用則賢者得行其道天下得被其澤猶井之為人所食而有益於人也九五能以九三之不見用為惻者其明也卒使正應之上六汲之以上是即九五之明王用之也

六四

六居第四畫井甃

象也甃謂以石以甃包砌其旁也六四陰畫井旁之土也居得

其位如井之四旁甃砌完整故曰井甃

无咎

占也甃則井旁之土不崩頽而井中之水不污壞矣故无

咎

九五

九居第五畫為井之升

井冽

象也冽甘潔也變為柔則成坤坤土之味甘剛居剛為清潔

寒泉食

象也寒冷也坎正北方為寒水甘潔而又寒冷五之中正具此數美居兌口之上為人所食者

也九五之德美如此有象无占何也曰九五雖為冽寒可食之泉然未上出井口此彖辭所謂汔至亦未繙井

者蓋井必至上而後成功也程子曰五於井道為至善而不言吉者未至於上未及用也故至上而後言元吉

上六

上之畫得六為井之巽

井收

象也收謂輶輶收綆水至井口也畫耦在井上有輶輶雙柱對

立之象變為剛而動有收綆之象

勿幕

象之戒辭也幕字當作冂俗作冂幕今作幕從省冂蔽覆也勿幕

者欲人人可汲溥其功用耦畫開而不塞井口不蔽覆之象

有孚

占也孚謂九三正應上六應九三能

汲九三之水以出於井口故九三以其剛實孚應於上六也

元吉

占也井以上出為功故上六之德為

吉而首也

六畫俱六九  
為井之噬嗑

經彖辭凡二十四字爻辭凡六十一字喪息浪  
切沆許訖切縞音橘羸力追切射食亦切甕屋  
送切敝皮世切漂息列切斃則候切冽音列收  
詩救切幕當作羃莫狄切舊音莫非註縵音梗  
幾居希切專為云偽切為  
之同覽蒲歷切覆孚豆切



離下  
兌上  
○ 三之二下之十緯  
八純巽變主六二

革

此義皇離下兌上之卦而文王名之曰革革者改其  
舊之謂皮去毛曰革皮有毛而去其毛改變其舊也

澤為容水之處澤中有火以消乾其水蓋海之尾閭名  
為焦釜之谷水入其中如沃焦釜消乾而无復有是為  
澤中之火水熄火者也而反為澤中  
已日乃孚  
象也天  
之火所熄改變其常也故名為革  
有十日

甲至戌為前五日已至癸為後五日變革天下之事不當輕遽乃能孚信於人故以十日為率革於未及中半之前不若革於已過中半之後則無輕遽之失而能孚於人也卦自巽而變先以巽初易上成需是猶需待而未變革也後以巽四易二成革則可以變革而不需待矣當此之時是猶十日之已過中半也下卦離之中畫為革之主爻離象日以之元亨占也變革者必有長人象月則納已故曰已日之德如九五之剛中正者然後可利貞占也元者能致亨悔亡占也凡革易於以致亨則利於正主事有悔如上所云則所革皆當而其悔亡也

初九

初之畫得九為革之咸

鞶用黃牛之革

象也鞶以韋束物也象與遯六二同初變

為柔成艮坤畫三柔為牛艮之上畫變坤之外牛皮變為革之象革謂三黃謂二革之初在下而无應必堅固

其志確守故常而不輕為拘束於六二九三之內如鞏固之以黃牛之革令不得動作也

六二

六居第二畫為革之夫

巳日乃革之

象也象與彖辭同二中正應亦中正革之善者

也離納已在卦中為中半之義故曰巳日乃革之

征吉

占也至中半而後革則不輕遽矣故征行則吉

无咎

占也

九三

九居第三畫為革之隨

征凶

占也革卦內三爻皆不欲輕革六二中正猶必待至巳日乃可

革之初則固守而不可動九三雖當位而不中未可以革也故征行則凶

貞厲

占也居下之雖不征行

但正主事亦危

革言三就

象也上來應之以變革之言來就巳者至於三就如欲有謀焉則就之之

就兌口在上為言九三變為柔則成震三震數也

有孚

占也上來就巳孚於巳也

九四

為九居第四畫既濟

悔亡

占也不當位宜有悔自處之善故悔亡

有孚

占也四无

應卦變以巽之四易二二為卦主二四本相易之爻故四能有二之孚

改命吉

占也巽為命令四者

巽之主爻四改為二是改其命矣改者得中而為卦主故吉

九五

為九居第五畫

大人虎變

象也皮之去毛者為革故初九黃牛之革以去毛之

皮而言九五上六之時革將變矣故无毛之革又變而為有毛之皮五陽剛中正居人位大人也離陰質而文明象虎九五卦之外體與內離之中畫以中正相應是內之文明形見於外者也故為虎變言需之革變而有文未占猶益六五有孚占也九五得六二之孚不待占也言勿問也

上六

為上之畫得六為革之同人

君子豹變

象也上六柔畫變為剛則象君子離之文明象虎九

五與離之中畫相應文明亦見於外五陽位為大上陰位為小  
之上畫相應文明亦見於外五陽位為大上陰位為小  
豹者似虎而小故上六不為虎而為豹豹  
變者亦言无毛之革變而為有文之豹也  
小人革面  
上六變為剛而為君子亦不能如九五大人之變也不  
過為豹而已況其本質陰柔小人也若不變為剛則不  
取文明形見於外之義三剛居剛而不中為剛惡上柔  
居柔而不中為柔惡上六與九三正應內懷剛很而外  
之顏色變為柔媚以順從九三之君故曰革面而之顏  
色見于外而在衆體之上者也上六居外居上故為面  
內應剛而外則柔心  
很面柔之小人也  
征凶  
占也處革之極革道終矣君  
革其外而順君復何求哉  
居貞吉  
占也居謂靜  
靜守可也征行則凶矣  
處不行也

六畫俱九六  
為革之蒙

經彖辭凡十一字爻辭凡六十五字已日音紀  
鞏九勇切註去毛呂舉切後同消乾音干復有  
扶豆切長人知兩切易於以鼓切  
今不趨貞切形見腎遍切下同



巽下 離上 ○ 五之三下之十緯  
純兌變主六五

鼎此義皇與下離上之卦而文王名之曰鼎鼎者烹飪  
之器以巽木入于離火之內而烹飪也卦之下一畫

耦鼎足之象二三四三畫奇鼎腹中實以牲體之象  
五畫耦鼎耳之象上一畫奇鼎鉉之象故名為鼎也元

亨

占也有長人之  
德則能致亨

初六

初之畫得六  
為鼎之大

鼎顛趾

象也初在下而耦鼎趾之象  
四為鼎腹之上口而與初應

顛者上反居下下反居上之謂初六上應四則  
鼎趾向上九四下應初則鼎口向下故曰顛趾利出否



占也。否不善之物，謂鼎中之穢惡也。當鼎之初，未實牲體，正當洗濯之時，顛其趾以傾出其穢惡，故趾雖顛而於出否，則得妄以其子。象也。柔居下賤，妄之象。兌為妄，為利也。巽者兌之倒體也，故初柔為妄。九四陽在上而不中，正妄子之象。初上應四如妄，因其子之貴而得以上達，故曰妄以其子，以與以其鄰，以其國君之无咎。占也。妄以其子而達於以同，上則非上僭也，故无咎。

九二

九居第二畫為鼎之旅

鼎有實

象也。二中實，鼎之有實在中者，謂牲體之實於鼎中者也。

我仇有疾，不我能即。

象也。我謂六五，五為卦主，故稱我仇。如君子好仇之仇，言為五之匹。

配五下應二，故彖傳言得中而應乎剛二。當上應五，以其有實在中，難於上進。如有中滿之疾，氣不上行人之道德充積於中，在下位而不援上，所謂不召之臣也。君欲有謀焉，則就之而不敢必其就我，六五尊德樂道而

忘勢不以二之不上應為尤故言我之仇匹以有疾之  
故而不我能即然臣不就君而君就其臣自重重賢兩  
得其吉占也二不枉己五  
道矣能下賢所以吉

九三

九居第三畫為鼎之未濟

鼎耳革

象也卦自兌而變兌三柔易五而為鼎之耳兌初九易上

而為鼎之鉉今三之剛變為柔居下體之上亦耳之  
象是鼎耳之在五者今變革而在三矣故曰鼎耳革其

行塞

象也震為大塗象三變為柔二三四成離九四以陽而塞其前也故曰其行塞

雉膏象也

雉離之中畫為雉腹中之膏故為雉膏

不食

占也三四五互兌為口三居兌口之下故為不食

方

雨

象也剛變為柔則三四五成坎為雨故曰方雨言方將有雨也

虧悔終吉

占也陽畫實為盈陰

畫虛為虧悔者心欲改悔也三變為柔是以盈為虧改悔其舊也故終吉

九四

九居第四畫為鼎之蠱

鼎折足

象也足謂初以初之上應九四而言則為鼎顛趾而向上

以四之下應初六而言則為鼎足折於下鼎

覆公餗

象也

三為公位餗者鼎實也公餗公之餗也四當鼎腹之上口而應初柔是鼎折其足腹卧於地而覆其鼎中之餗

其刑剝

象也剝者剝足之刑鼎之折其凶

占也初未實

趾而以出否為利四已實鼎之後故折足而以覆餗為凶

六五

六居第五畫為鼎之姤

鼎黃耳金鉉

象也黃者中之色居上卦之中故曰黃五畫耦

在九四鼎口之上為耳鉉者鼎之扃以木橫貫鼎耳而舉之者也上畫奇在六五鼎耳之上鉉也九剛故為金謂鼎耳之虛能受上之金鉉以實其利貞占也中虛而中也鉉以木為之曰金者取剛之義能受外之剛

以相提挈故

宜正主事

上九

上之畫得九為鼎之恒

鼎玉鉉

象也上為鼎鉉在五則取九之剛而曰金在上則取畫剛而位柔故為玉

玉剛柔兼有

大吉

占也以陽大在上舉鼎而行故其占吉

无不利

占也又且於事无所不利也

六畫俱六九

為鼎之屯

經彖辭凡三字爻辭凡七十九字元亨舊本作元吉亨程子曰羨吉字朱子亦云刑劓舊本作形渥陸氏曰鄭作刑劓晁氏曰京虞荀悅九家陸希聲一行並作刑劓今從之否音鄙折之舌切餽送鹿切劓音屋註長人知兩切彖傳直戀切援音袁樂道音洛齊著直畧切扁君焚切

震上

震下

○

四之四下之十一經八純長男主九四

震

此義皇震下震上之卦而文王亦名之曰震震動也雷之象一陽動於二陰之內而奮發故曰震此重震

則二雷相

亨

占也震動而萬物發生者亨也

震驚百里

踵而動也

人聞雷而恐懼修省亦能致亨

象也凡震字皆謂動也雷聲聞於百里聞者皆驚震象

諸侯諸侯地方百里以雷聲所及象其政令所及之遠

近也乾下畫易坤下畫為震乾陽君也坤地國邑也分

乾之一陽以主坤之國邑者諸侯之君也一陽象雷聲

二陰象百

不喪七鬯

象也喪謂失也七以升肉於俎鬯以灌地降神皆祭者所執下震象

里之地

七互坎象鬯互艮象手執之震為諸侯為長子皆主宗廟社稷之祭者主祭之人其心一於誠敬雖值雷震之

威而不喪失其所執之七鬯

蓋不以驚懼而亂其所守也

初九

初之畫得九為震之豫

震來虩虩後笑言啞啞

象也初九下震之主九四

上震之主雷震之威皆此二陽所為也來謂人自外而入內言雷震之初有自外來至雷震之所者初能恐懼則後必安樂也程子曰蠅虎謂之虤虤顧慮不自寧也啞言笑和適之貌當震之始恐懼不敢寧則終保安吉故笑吉也

六二

六居第二畫為震之歸妹

震來厲

占也震來與初九同來謂自二而來初也二乘初剛來內

則犯初震之威故危

億喪貝

象也億者古有詭億之戲億度錢貨之數較其中否以相賭賽也後漢梁

冀傳註云若今攤錢也二五皆以陰柔居中為敵應有相對較利之象故為億貝者水中介蟲古者以為貨漢志大貝二枚直錢二百一十六牡貝二枚直錢五十么貝二枚直錢三十小貝二枚直錢十初二三四肖離有貝象億戲者被震雷驚散而喪失其所億之貝也與不喪也鬯者異矣一於誠敬者心有主役於貨利者心无

主故也

# 躋于九陵

象也九陵謂六三二三四互艮為山六三在艮山之半故為陵九者艮數人之

怯懦者有所怖畏則辟易數里六二柔居柔怯懦者也

比近初九雷震之威怖畏而喪貝自二從三而避之故

曰躋于勿逐七日得象也逐謂追尋七者震數上下更

九陵而有所怖畏又且辟易遠避可謂怯懦无所守矣然

居中得正若有墮甑弗顧之達則有去珠復還之喜故

曰勿用追尋至七日而所喪之貝可得也

六三為震之豐震蘇蘇象也蘇蘇神氣緩散自失之

正於平時且不能安況處震乎故震行无眚占也若因

其震懼而蘇蘇然不勝其自失也震行无眚震懼而能

行去不正而就正則可以无過眚過也三行則至四正

也動以就正為善故二勿逐則自得三能行则无眚以

不正而處震懼有肯可知

九四

九居第四畫為震之復

震遂泥

象也遂者竟不復還之義三四五互坎四當坎中畫在二

陰之間有遂陷於泥之象震遂泥者言雷聲沈抑陷下不能奮揚而上也虞氏翻曰坤土得水為泥位在坎中泥故遂

六五

六居第五畫為震之隨

震往來厲

占也往上則值震之窮來四則犯震之威故皆危

億无喪

象也五與二對億者也二居柔則志氣餒故逢初九之震而喪其貝五居剛則持守堅故逢九

四之震而无所喪失也陰柔之為億一也然二有所喪五无所喪者居剛居柔之異也

有事

象也

如必有事焉之義六五有所事謂以固守其中為事也有事則心有主故威不能懼也



上六

上之畫得六為震之噬嗑

震索索

象也索盡也九四之雷聲至上六竭矣第一字言聲至六

五而將盡第二字言聲至

視矍矍

象也變為剛則成離目能視矍矍驚駭不

定貌雷聲耳所聞非目所視也雷聲至上六索索而聽者无間矣唯驚駭之餘目視猶有不定也索震卦以重

字為象者五此爻之矍矍與初之矍矍啞啞皆言人也

此爻之索索與三之蘇蘇皆言雷聲也初爻震下有來

字謂雷震之時人自外來者矍矍也三上征凶占也居

則言震者謂雷聲之復生雷聲之已盡也

前无所之征則唯可下行而

震不于其躬于其鄰

象也躬謂

已下行則趨而近威震故凶

震不于其躬于其鄰

象也躬謂

九四鄰謂六三震上體之主爻在四震之威四所自為而四无所驚懼故曰不于其躬四之雷聲遂泥下而不

上三在四下為四之鄰迫近九四

无咎

占也上六與六三為敵應下視

之威震而受其驚懼故曰于其鄰

六三之迫近九四而受驚懼也  
因此知所警畏故无咎

婚媾有言

象也凡易言婚媾者皆謂應爻

上六與六三雖是敵應然同位也三陽位上陰位故六三為上六之婚媾也上六遠於九四之震而无驚懼六三近於九四之震而有驚懼故上六則視六三而知畏六三則怨上六而有言以其獨遠威震而不相顧恤也  
六畫俱六九為震之巽

經彖辭凡十字文辭凡七十八字彖辭亨字下舊本有震來虩虩笑言啞啞八字初九文辭重出也今正之喪息浪切壘勅亮切虩許逆切啞烏格切泥陸氏曰荀乃低切索桑洛切矍俱縛切註長子知兩切安樂音洛億度待洛切么於喬切辟易音闕亦復還復生扶豆切餒努瑾切



艮下

○

七

之

七

下

之

十

一

經

八

純

少

男

主

上

九

艮其背

此義皇艮下艮上之卦而文王亦名之曰艮艮止也一陽止於二陰之上而不行故曰艮此重

艮則內外俱止也卦名連彖辭象也背北不獲其身象

堂也詩曰馬得護草言樹之背背謂初六艮為手能獲行其庭象也三四五互震為不見其人象

身謂六四三四五上肖離為无咎占也卦之二三四五象堂房室

目能見人謂九三初在堂之後象背上在堂之前

象庭以一人之體言四為身以三才之位言三為人六

四之身艮於初九之背者身止於其內也身既止於內

而形不在外初六不應六四也六四亦不應初六故外

亦不能復其止於內之身內不出靜而止也九三之人

行於上九之庭者人行於其外也人雖行於外而影

不至內上九不應九三也九三亦不應上九故內亦不

能見其行於外之人外不入動而止也陰靜陽動靜者

止於內動者行於外初六陰畫而在內故象止上九陽

畫而在外故象行初內之下四外之下三內之上上外  
之上四之身止於其初之背三之人行於其上之庭同  
位故也外不獲乎內內不見乎外敵體不相應无  
與故也无與當有咎以內外各止其所故无咎也

**初六**

初之畫得六為艮之賁

**艮其趾**

象也初當下體之下象趾趾能行者也六陰畫能靜止於

下而不行故曰艮其趾

**无咎**

占也位不當有咎也止而不行故无咎

**利永貞**

占也陰柔非能

固守者以居剛而變為剛故永久正主其事而利也

**六二**

六居第二畫為艮之蠱

**艮其腓**

象也二當下體之中象腓用象也二當下體之中象腓用

二居中得正自止其所而不動故曰艮其腓此其字指二而言

**不拯其隨**

象也九三下卦之主二民

之君也六二在其下乃其隨從者然以中正自守止其所止而不上從於三故三亦不援手而拯之故曰不拯

其隨此其字

其心不快

象也心謂六五快猶喜也二五指三而言柔中同德同位然敵應不相與

故二不應五而五亦不快於二也不快謂其不相取不相得也此其字指五而言蓋六二中正自守近不昵同

體之三遠不應同位之五不願乎其外如此可謂能止其所止者矣

九三

九居第三畫為艮之剝

艮其限

象也限者上下之際股之上身之下也三以剛居剛而不

中止之太過者也凡人上下之際須轉動屈伸止其限而不轉動屈伸可乎

列其夤

象也列分裂也

夤背脊肉屬上體指四而言脊即呂也謂之脊力者人之有力由於此止其限則上下體分隔為二如裂絕其

夤而血脈不

厲

占也過剛而止其

熏心

占之象也熏如火氣之上熏詩

曰憂心如熏三四五上肖離為火有熏象心者六五也九三止其上下之限六四之夤既裂絕而不相屬矣其

為危厲又越比近之六四而上熏於六五雖相去之遠者亦覺其危以言其危之甚也

六四

為艮之旅

畫艮其身

象也身謂股以上腦以下前

身之所由始故以此為身呼吸之根氣所從生也止其身則氣住而神亦住四以柔居柔專氣致柔者所以止其身也

无咎

占也柔而正得止其身之道故无咎

六五

為艮之漸

畫艮其輔

象也五當腹之上頂之下心之位也不言止其心者凡一

身衆體之止皆心止之也輔在口旁言所從出謂上九也上九艮之主爻五為心而在上九之內為上九宰制其所當止者以心止上九之輔不待至上九而言有序於六五之爻曰止其輔者止之於未言之先也

言有序

象也言者心之聲也非禮勿言一皆聽命於

悔亡

占也先立

手其大者言前定則不路故悔亡

上九

上之畫得九為艮之謙

敦艮

象也上變為柔成坤故象與臨上復五同敦者如地之厚也敦

厚於止故曰敦艮此爻一卦之主也故不言艮其蓋諸爻之艮皆上之敦也

吉

占也三亦下卦之主然以

剛居剛止而過者也止非其所當止故厲上以剛居柔止而不過者也止於其所當止故吉六爻唯此最善

六畫俱六九為艮之兌

經彖辭凡十六字爻辭凡五十六字背音佩舊讀為人身之背今案爻辭其趾其腓其限其身

其輔是就人身取象彖辭其背與其庭為對是就宮室取象舊讀非陸氏曰徐蒲載切今從其音夤引真切熏許云切註謏匪元切好自虛到切隨從才用切援手音袁昵尼質切轉朱戀切

相屬之欲切膈音  
格中倫貞仲切



艮下 ○ 七之五下之十二緯  
巽上 三陰否變主九三

漸此義皇艮下巽上之卦而文王名之曰漸漸者進有

次序而不急遽也山上有木以漸而長內男聘外女

以漸而進女歸吉 占也巽女在外將入而未來歸艮男

故為漸也 在內方止而未往迎有女歸以漸之

象聘則為妻奔則為妾自納采問名納吉納徵請期親

迎六禮備而後成婚女歸之以漸如此卦自否變三往

四為巽女四來三為艮利貞 占也二三四五剛柔各得

男得位之正所以吉也 正位初上雖非正位而剛

居上居外柔居下居內亦得

女歸之正故利於正主事者

初六

初之畫得六鴻漸于干 象也巽為鴻于水涯也二

為漸之家人 三四互坎為水初近水為



干初六鴻之止於水涯而未遠去者也鴻水鳥而乘風以飛下卦艮止而有坎水故下三爻之象曰干曰磐曰陸皆鴻之漸進而止於水際者也上卦巽為風為高故上三爻之象曰木曰陵曰逵皆鴻之漸進而飛於風中者也

**小子厲** 占也艮為小子幼弱在下初進而無應故危而不安項氏曰小子對丈夫言士窮則困於

俗**有言** 象也危而又**有** **无咎** 占也項氏曰初始離水其地小憂小故時時有之然寧止於此而不進則於義猶无失也元稹初時亦不肯苟合特以不能堪困躓之厄受衆多之言遂改途而妄進故以此戒之

**六二**

六居第二畫為漸之巽

**鴻漸于磐**

象也磐石之安平者蓋水旁石墩也漢書引易作般

註云水中堆也鴻離水涯進而止於水旁之墩坎為石互坎之下畫故為磐程子曰自干之磐又漸進也二五

以中正相應具進之安平莫加焉

飲食衎衎

象也坎為飲二變為剛成兌為食衎衎和樂自得貌

中正相應止而不急於進自養以俟時者也

吉

占也居易以俟命故吉

九三

九居第三畫為漸之觀

鴻漸于陸

象也地之高平曰陸九三互坎之中畫水中也變為

柔成坤為平地在下體之上是水中有平地而高故曰陸鴻水宿之鳥干者水之涯地雖窮蹙而切近於水磐在水旁而高於水雖離水而安平暫棲息焉得其所矣九三高平之陸雖在水中然謂之陸則有人耕治非如磐石之上人跡不到而可安棲也詩言鴻飛遵陸毛傳亦謂陸非鴻所宜止水中變為平地非其常也水鳥止於平陸非所安也初二柔而靜故漸而得其所止九三剛而躁故漸而不得其所止以剛居剛故躁

不復婦孕不育

象也三往為六四四來為九三自否變為漸而九三得居正位三四男女之交

夫征

也九三剛躁不安其居又欲往四則漸變為否而男女  
不交矣三艮男夫也征謂行而往四三往四則上體成  
乾上征而不下復故曰征不復四巽女婦也四之位為  
腹艮為少男在腹之內孕也四來三則下體成坤而艮  
體壞有坤母而无艮男故曰孕不育也凶占也夫婦離  
往則四來因夫征不復故婦孕不育也凶居而繼嗣不  
成故利禦寇占也互坎為寇艮禦止之故曰利禦寇禦  
凶不變

六四

六居第四畫

鴻漸于木

象也六四巽之下畫也象木鴻不木棲漸于木者非

止集于木飛而過其上如鳥鵲南飛繞樹或得其桷象  
三匝也上體之下飛而未高猶在木杪也  
桷屋椽之方者鴻之飛過木上也或得橫平之柯有似  
於桷苟可以棲猶有棲止之意故曰或得其桷巽為木

而六居四得正故象橫平之柯乘風之鴻可高飛矣漸進不遽迴翔人間未即冲天也猶將擇木而止賢人君子之難進无咎占也居上乘風而

者似之

无咎

其進不遽故无咎

九五

九居第五畫為漸之艮

鴻漸于陵

象也九五變為柔成艮在艮山之半故曰陵漸于陵

者飛而過高陵之上也詩曰厥彼飛隼率彼中陵

婦三歲不孕終莫之勝

象也二為

五之正應婦也體有少男為孕五坎下畫坎數三為三歲進以漸而不急遽五與二經三歲之久未諧夫婦之好故不孕正應終必得合故曰終莫之勝程子曰二正應而中正之德同乃隔於三四三比二四比五皆隔其交者也未能即合至三歲不孕然終莫之能勝但其合有漸耳虞氏翻曰勝陵也登紫勝无訓陵者勝堪也任也莫之勝謂莫之能任也中正相應惟二五相堪終无育能如之者舊讀作勝負之勝非也无爭何有於勝若

同人之四五則與九三有爭故必克勝而後相遇也然則三四隔二五之交者何也曰二五中正而應天作之合也然五近於四四亦欲以為夫二近於三三亦欲以為婦故五不得以速聘二二不得以早許五也久而他議寢然後正配諧所謂終莫之勝也三四既為夫婦而二五又為夫婦何也曰三四雖以往來相易而成夫婦然比也而非應也二五則以剛柔正應而成夫吉占也婦乃夫婦之得其正者故爻辭特於九五明之終得相合故吉

上九

上之畫得九為漸之蹇

鴻漸于逵

象也逵舊作陸安定胡氏曰當作逵字體相類傳錄

誤也程子從之朱子曰以韻讀之良是澄紫蓋因襲之訛益為甚也路九達曰達容九軌曰達路也天上風高之處鴻翼戾天飛過九達九達之逵通道大都之人皆見之也震為大塗下艮乃震之倒體自上視下倒是為

鴻漸在天際下視人間地其羽可用為儀象也儀法也如鳳皇來儀

上之大塗所謂漸于逵也之儀詩曰鴻鴈于飛肅肅其羽言其羽翮整肅羣飛有序可為儀法也項氏曰胡以陸為逵是也繇辭協韻當然然不必謂之雲路鴻之漸于逵飛而過之如六鷁之過宋都父辭恐人以為鴻有立于逵者故繼之以其羽可用為儀望飛鴻之羽於九達吉占也六爻之占上九為最吉

六畫俱六九為漸之歸妹

經彖辭凡六字爻辭凡八十三字衍苦岸切勝音升逵渠規切註而長知兩切迎宜慶切離水力智切稹止忍切躡職利切敦音敦般音盤和樂音洛居易以鼓切少男詩照切離居如字匝作納切駝音欲之好虛到切任音壬勝負繩證切孟丑畧切昌符去切翮下革切繇音宙



兌下 ○ 震上

二之四下之十二緯  
三陽泰變主六三

**歸妹**

此義皇兌下震上之卦而文王名之曰歸妹婦人謂嫁曰歸妹者少女也兌為少女而居內卦內卦

夫家也婦人內夫家故以入于夫家為歸震長男也而居外卦外卦女家也卦自泰而變乾三往四成震乾父

沒而長子承家以兄而**征凶**占也此以三四二畫言泰嫁其妹也故曰歸妹之三四當位三往四來

三而變歸妹則三四皆不當位**无攸利**占也此以初上是因征行而失正也故征凶二畫言初上雖

當位然上以柔居一卦之上初以剛居一卦之下柔乘剛故亦无所利

**初九**

初之畫得九**歸妹以娣**象也此為卦之初爻不取為歸妹之解**一爻之義而統言一卦之**

義歸妹者將歸之妹謂六五也以與妾以**跛能履**象也其子之以同娣女弟為媵者謂六三也履卦

之下體兌也六三有跛能履眇能視之象歸妹之下體  
 亦兌也初九曰跛能履九二曰眇能視分履卦六三之  
 二象於二爻其二象皆指六三一爻而言也兌體變震  
 足之中畫跛也初二為地六三在初二之上履地者也  
 六爻獨二五相應有夫婦之義六五在女家為震兄所  
 歸之妹九二在夫家為兌女所從之夫六三即泰之六  
 四為六五之娣泰三四相易成歸妹六四來居三女君  
 未歸而先至夫家比近於夫既非匹配之正无與為偶  
 如兩足而跛其一雖**征吉**占也六四之降為六三非正  
 能履地亦何為哉**征吉**也而為卦主故言六三如跛  
 者之能履若征行而往四上承六五之女君以同歸於  
 夫家則吉矣初九即泰之初九也泰初九其占**征吉**故  
 此爻其占亦同泰言一爻之義謂三征于四則吉也  
 則吉此言一卦之義謂三征于四則吉也

九二

九居第二畫  
為歸妹之震

眇能視

象也此象亦指六三而言離  
目之中畫偏而不正眇也有



離目能視也六三歸妹之主爻然與利幽人之貞占也

項氏

九二非匹配之正故象眇者之能視曰二以五為婦三雖相比非正配如兩目之眇其一為九二者但當守幽人之貞以俟正配澄案復之九二其

占曰幽人貞吉歸妹九二即復之九二故其占亦同

六三

六居第三畫為歸妹之大壯

歸妹以須

象也須賤女媵之妾也天文有須女字或作頰

楚辭女類之嬋娟荀陸續作孺子夏孟京作口音義並同六三來自泰之六四六四於五為娣今來居三失其

正矣故降為娣也反歸以娣

象也反謂還其舊處三若反居於四待六五女君之歸而

以其娣同行則得娣之正矣漸與歸妹皆因三四之往來成卦然漸自否變不宜再變復為否也故九三夫征

不復則可憂歸妹自泰變欲令再變復為泰也故六三反歸以娣則可喜

九四

九居第四畫歸妹之臨歸妹愆期象也上卦震為長男九四為歸妹之主歸

妹之兄也四為兄五為妹九二為婿皆不得位遲歸有故婚姻不得及其時此歸妹之所以愆期也

時象也雖遲其歸其歸必有其時雖不言吉亦无凶也

六五

六居第五畫帝乙歸妹象也帝乙謂九四所歸之妹謂六五歸妹六五即泰

之六五也故象與泰六五同其君之袂不如其娣之袂柔得中居尊帝女之貴也

良

象也君謂女君袂衣袖也良善也美也乾為衣一衣而二袂乾三畫皆奇變其外一奇為耦者袂之象下

卦六三娣之袂也六五變為奇則上六為女君之袂然必六五變為奇而後成如裁改而成之袂不如下卦六

三之袂固有而自成者之為善也帝女下嫁有中德不尚外飾故其袂不如其娣之袂良娣則以容飾事人者

也月幾望

象也巽為月既望之象六五變為剛則三四

君月望元吉

占也娣之袂良於君月之望元於日六三

日之象吉

之何如也吉者自

上六

為歸妹之睽

女承筐无實士刲羊无血

象也女謂上六士謂

初九此卦六爻惟九二六五相應成夫婦五為所歸之

妹二為歸妹之壻三四无應不得位而為成卦之主四

為歸妹之兄而愆其歸妹之期不得為兄之道矣三為

歸妹之娣而降居賤女之列不得為娣之道矣初上二

爻陰陽得位而无應此男女之守正而婚姻不成者也

有室者男女之初也於其初无室可受則不成娶故不

得為夫而但稱士適人者女之終也於其終无人可適

則不成嫁故不得為婦而但稱女女之嫁者非受幣不

交不親上卦震有筐之象上六欲從夫於三而三非陽也陽為實无陽則无以實其筐故西承筐无實蓋婚不成而无納幣之禮也士之娶者為酒食以名鄉黨僚友下卦兌為羊初九欲迎婦於四而四非陰也陰為血无陰則无血故曰到羊无血蓋婚不成无攸利同咸恒漸歸成不饗食賓客不到羊故无血也

妹四卦之為男女夫婦何也曰漸者男方求女之事歸妹者女將歸男之時以未成夫婦而名卦也成者夫婦始初相合之情恒者夫婦終久相處之道以已成夫婦而名卦也漸歸妹皆內卦為男家外卦為女家故漸內艮外巽若歸妹之內兌者歸於男家之娣也外震者主于女家之兄也咸恒皆內卦為女身外卦為男身故恒內巽外震若咸之內艮者男之下交乎女也外兌者女之上交乎男也

六畫俱九六  
為歸妹之漸

經彖辭凡七字爻辭凡七十六字娣大計切跋  
波可切眇彌小切袂彌世切幾讀作既到苦圭

切註少詩照切長知兩切膝  
以證切亢苦浪切饗食音嗣



離下 ○ 三之四下之十三緯  
震上 三陽泰變主六二

豐

此義皇離下震上之卦而文王名之曰豐亨占也盛  
豐盛大也雷電交至聲光赫奕盛大之義亨大之時

百嘉所聚也

王假之

象也假至也王假之者就諸侯之國而  
言有王者至其國也外震象諸侯內離

為日象王離日下照居內為主蓋天子巡守侯國入其  
國內而為主所謂天子无客禮也離入居下有明入地  
中太陽下同萬物之疑故彖  
辭特以天子適諸侯取義  
勿憂占也盛大之時當豫  
憂其衰微戒以勿憂

者當有道以常保其盛大不可  
徒憂而已能持滿則可不憂也  
宜日中象也盛大之時  
如日之中宜常

如此不可令其過中也

初九

初之畫得九為豐之小過

遇其配主

象也配主謂六二陰陽之合曰配主者六二為卦之

主爻也

雖旬无咎

占也旬十日也離初納已卯離二納已丑為一旬初二非正應而以近比相遇

不可以久然淹留十日亦无咎也但不可過旬之外凡卜筮吉凶以一句之內為斷過旬則再卜再筮矣故於

初二之遇亦以一句為限節也

往有尚

占也往謂往二遇者彼此不相求適然邂逅而已非應往而有

遇也初二皆无應則固可相配合尚謂配合在已上者初往求合於二則二在其上而為之配故曰往有尚

六二

六居第二畫為豐之大壯

豐其蔀

象也蔀障蔽之物五天之位也日麗乎天而九四一奇畫

在天之下日中見斗象也二之應位在五如麗天之日如障蔽然離之中畫在二為照地之日日麗

天中而光照地上故二象日中九四為蔽障蔽震天之  
日而地上无光日暗則星見故日中而見斗也斗北斗  
七星星之大而易見  
者震仰盂有斗象  
**往得疑疾**占也疑疾如樂廣之客

因疑而得疾也凡陽者无疑暗則多疑麗天之日不明  
則照地之日无光二既昏暗故不可以往往則必得心

疑之有孚占發若占之意也二若不往則有四三之陽  
疾也

謂徹去吉占也初九待二來遇則二失正往合於二則  
其節也初得中故初不宜待而宜往待則有過旬之

咎往則有尚也六二往求於三四則此失中待三四來  
孚則彼得中故二不宜往而宜待往則有心疑之疾待

則有孚  
而吉也

九三

九居第三畫  
為豐之震

豐其沛

象也陸氏曰沛或作旆澄案  
古字通用旆旛幔之屬凡陽

畫連亘不開皆象障蔽之物故四為節三為旆四既為節障蔽日明三又為旆在節之下重障蔽之則明者愈暗日中見沫

象也沫斗下小星也震象斗三在震下斗下之星也暗未甚則但見大而易見之星

見斗是也暗愈甚則雖小而難見之星亦見見是也

折其右肱

象也三四五互兌為右為肱五

亦為肱右肱謂六五也六五當兌上畫兌為毀折故曰折五如日之在天中四與三重蔽五之明不能照下故二當日中而无光二卦主也既蔽五无咎占也四之蔽之明如人之折其右肱而不可用也

蔽五非專三之咎故在九三為无咎

九四

九居第四畫為豐之明夷

豐其蔀

象也與六二同蔀者正指九四而言故於此爻又言其象

日中見斗

象也與六二同日中謂六二斗者震象卦因二四相易而成此二象故二爻之辭同剛自



二往四為部而蔽五之明故

遇其夷主

象也二豐之主

而昏暗二之明在天為四所傷也四變為柔成明夷故

四以二為夷主謂遭傷之主也四若下與夷主遇則剛

柔相易豐轉為泰占也為

六五

六居第五畫

來章

象也來謂下求四四五四皆无應

相間而成章故曰來章

有慶譽

占也陰下從陽是庸愚從賢智既有福慶歸於已而又有名譽聞於

人吉

占也有慶有譽所以吉也

上六

上之畫得六為豐之離

豐其屋

象也上六柔變為剛蓋覆於上如屋人居極高之地有崇

大其屋之象部其家

象也上變為剛則六五當離之中畫在上之內為家九四障蔽于其下為部故

曰節闢其戶闐其无人三歲不覿

象也五中虛象戶三居人位與上應為其

家之人然隱藏於下為九四之節所隔而不得見上故自外而闕其戶則其家內闕其无人覿見面也九三深藏於內雖三歲之久亦不能與凶占也

六畫俱九六為豐之渙

經彖辭凡十字文辭凡十八字假庚白切節普苟切沛與旆同蒲蓋切沫音妹闕苦規切闕苦鵬切註守詩又切令離丁切斷廷亂切星見賢遍切餘並如字易見以鼓切穡孚煩切慢莫半切相間居限切覆孚豆切



艮下離上

○

七之三下之十三緯三陰否變主六五

旅

此義皇艮下離上之卦而文王名之曰旅旅者衆處於外之名凡家居者入而舉火於內旅寓者止而舉

火於外晝食夜宿皆欲憑高見遠每小亨占也小亨小

依山而舉火故山上有火為旅之義為旅之主五陰也故曰小旅貞吉占也內艮為止外離

以其得中而順于剛故亨為麗為明止宿而麗於明處旅中之正主事者如此則吉此蓋指九三

而言彖辭之占吉而爻辭之占厲取義各不同也初六初之畫得六旅瑣瑣象也此旅字无所指名於旅

瑣細碎貌六為陰小初又卑斯其所取災占也旅貴乎下小之又小者也故曰瑣瑣得衆旅而瑣

瑣則失衆心此其所以取災也

六二

六居第二畫為旅之鼎

旅即次

象也旅謂六五也旅因三五相易而成卦六五上卦之主

九三下卦之主卦中稱旅者六五與九三也旅以應位為次六二者上旅六五之次上九者下旅九三之次也六五下就六二既得中又懷其資象也懷謂懷藏而不得位次舍之最善者也夫資者財貨也巽為利二三四得童僕貞象也艮少男童也艮中畫為童僕互巽資也得童僕貞之能正主事者有宿止之地有資用之財有幹事之童僕六五之用得六二為次而諸美具焉

九三

九居第三畫為旅之晉

旅焚其次

象也旅謂九三其次則上九也上九為九三之次而

在離火之上喪其童僕貞

象也否卦六居三當互艮中畫為童僕之貞者否變為旅

則艮之中畫去三而就五

厲占也處旅不善而居下之上危地也

九四為旅之艮

象也此旅謂六五也九四乃旅之艮

處處謂暫時居得其資斧象也互巽為資巽木連離兵處非其次舍也

斬伐者也周公東我心不快象也我謂五也卦主故稱征有破斧之詩

而處有資有斧亦云可矣然所依者居柔之剛非正位也豈心之所樂哉故我心不快必若六二之得正位乃

為得所安之次舍也

六五

六居第五畫為旅之遯

射雉一矢亡

象也離為雉乾之剛象天以卦變言六上居五

變乾為離射而得雉也乾之三陽一下居三三矢終以而亡其一也朱子曰亡如秦无亡矢遺鏃之亡

譽命

占也六五之旅始者乾以射取文明之柔而不免亡矢中實之陽及其終也即應位之次則有二之

譽有五之命羅旅之中召譽未易得命令未易行人之譽歸於己己之命行於人旅而能兼之者蓋鮮矣

上九

為上之畫得九為旅之小過

鳥焚其巢

象也上變為柔成小過有飛鳥之象三四為鳥身而三之位與上應鳥蓋指九三也二三四互巽為木五上在巽木之上象鳥巢在木杪六五耦畫巢之中空處上九奇畫巢之上覆也當離火之上畫為火焚其巢上奇變為耦象巢被火焚而毀其上覆九三為旅人則上九為旅之次九三象鳥則上九為鳥之巢上九之焚其巢即九三之焚其次也

旅人先笑後號

咷

象也旅人九三也三居六畫卦之人位兌為笑離為號咷同人離在下五變為柔三四互兌在上故為先號咷而後笑此旅卦三四互兌在下離在上故為先笑後號咷蓋九三先在下而未遭焚則笑後就上而遭焚則

喪牛于易

象也小過坎之複體象輿離為牛在號咷柔失離體為喪牛上一卦窮處疆場凶占也喪失其牛之象旅人喪其服車之牛於境外也

凶

則无以挽資糧

之重車而不可行矣所謂凶也此卦六畫惟六五九三為旅人初言其時二四上言其地五本失位而以六二為次則得位三本得位而以上九為次則失位蓋處旅之道宜柔不宜剛五柔而中三剛而過是以五得財得人而譽命三既无可居又不可行而凶也

六畫俱六九為旅之節

經彖辭凡六字爻辭凡七十六字喪息浪切卦內及下卦同射食亦切于易音亦註少男詩照切所樂音洛未易以豉切鮮悉翦切空處昌據切上覆孚豆切



巽下 ○ 五之五下之十四經  
巽上 八純長女主六四

巽

此義皇巽下巽上之卦而文王亦召之小亨占也卦曰巽巽入也一陰入伏於二陽之下也

為主故其占利有攸往占也柔在內剛在外順從於陽故利有攸往利

見大人占也二五陽剛居中陽為大中

初六初之畫得六進退象也巽為進退不果陰欲進而從於陽又欲退而安於下疑而

不決利武人之貞占也武人質柔而位剛又依附外剛以為強如人之被甲冑執戈兵六居

初比九二二人位也初以二之剛為己之強故曰武人剛強自治然後能果決而上進以從陽故利武人之貞

九二九居第二畫巽在牀下象也初耦二奇有牀之象巽謂卑伏而入於下指初

六而言牀者二也初在二用史巫紛若占之象也史作策以告神巫歌

舞以事神皆卑下順承以求神者也紛若多也卦之名巽本取二柔之卑伏者言然巽之時陽亦當卑巽故陽



爻亦以巽為善蓋陽為陰所順從亦必以卑巽待之若  
剛強自處非所以懷柔順服之人也二剛而得中又居  
柔故亦能卑巽二之位與五應與三比卑巽以同於在  
上比應之陽如人之卑巽以事神然既能巽於在已上  
者則亦能巽於下者矣  
**吉** 占也能巽於上則  
**无咎** 占也不當位  
在已下者矣  
故无咎也

**九三**

為巽之渙  
九居第三畫

**頻巽**

象也三變為柔則下卦成坎三  
當下卦之終水之盡處也為頻

於水之象九三以剛居剛非能卑巽者當下  
卦之終而變為柔猶頻於水而後能巽也  
**吝** 占也頻

吝

**六四**

為巽之姤  
六居第四畫

**悔亡**

占也能上從於陽故其悔亡  
占也無應承乘皆剛當有悔  
**田**

獲三品

象也四上卦之地田也獵者所獲一為乾豆以奉宗廟一充君庖一頒徒御遍及上下四順從

於上下之陽如獵於田者之獲三品而遍及上下也上宗廟五君下之二三徒御也

九五

九居第五畫為巽之盡

貞吉

占也剛巽乎中正故正主事則吉

悔亡

占也无應宜有

悔中正故亡

无不利

占也剛而中正故於事无所不利

无初有終

占也下比於柔故无

初上同於剛故有終

先庚三日後庚三日

占也先於庚之三日者丁也後於庚之三日者

癸也巽之主爻六四為西方庚辛故先庚後自庚而數二三四五充納丁三四五互離納癸離納巳又納癸者巳

為日之體朔日子時日會月於癸故又納癸也

吉占也莖日則丁癸吉皆柔日也

上九

上之畫得九為巽之井

巽在牀下

象也四耦五奇亦有牀象巽謂六四牀者五也六四

在五之下巽在林下也四卑伏以從上二陽猶初之卑  
伏以從下二陽也故其象同然二能有初之巽而上不  
能有四喪其資斧象也下巽為資互離為兵貫於巽木  
之巽也喪其資斧之上為斧自初至五資斧也而上處  
其外不能有之貞凶占也如此而正  
是喪其資斧也

六畫俱六九  
為巽之震

經彖辭凡十一字爻辭凡七十字先  
庚悉薦切註乾豆音干而數色主切



兌下兌上 ○ 二之二下之十四經  
八純少女主上六

兌此義皇兌下兌上之卦而文王亦名之曰亨  
兌兌說也一柔見於二剛之上而說也

莫不說而與利貞占也利正主事者防  
之是以致亨利貞非道邪諂之說也

初九

為初之畫得九

和兌

象也六畫惟初不比陰柔與九二相說二陽相比說道之善故

曰和者中節而无所乖戾也兌之說以三上二柔言也而四剛畫亦取說義

吉

占也

九二

為九居第二畫

孚兌

象也二以中實孚於三也

吉

占也

悔亡

占也此柔當有

悔以誠心待小人則小人无所用其姦故其悔亡

六三

為六居第三畫

來兌

象也三不中正下求說於二故曰來兌小人以諂說媚君子者

也

凶

占也

九四

為九居第四畫

商兌

象也商度量也與周書商賈九章商工商除之商同義四下比

三柔上承五剛皆其所說故商度其所說而未定

未寧介疾有喜

占也未寧者未定也四與

五同體同德始雖商度未定終能舍三說五介疾者介乎上下之疾有喜者疾安也未寧之疾安謂无復有不

定之意也

九五

九居第五畫

孚于剥

象也五之中實孚于上猶二

物居于極上者剥陽已盡而後能至上也五之孚于上者孚于剥陽之陰也

有厲

占也君子誠心待小

人然小人未必无害君子之心也故有有厲之戒有厲者今未厲也言其有則不可不知戒也

上六

上之畫得六

引兌

象也說至於上可以已矣樂不可極也陰柔但知以說為事於

說之終又引而長之豈君子之說哉

六畫俱九六

為兌之艮

經彖辭凡四字爻辭凡三十八字註說音曰見賢遍切中節貞仲切度量待洛切舍三音徐无

復扶豆切

樂音洛



坎下 ○ 六之五下之十五緯  
巽上 三陰否變主九二

渙 此義皇坎下巽上之卦而文王名之曰渙渙散也  
離也水凝結而冰合風渙散之則水釋而離也 亨

占也二五剛中故亨 蔡王假有廟 象也五為王三四五

氏曰二與四交用故亨 互艮為宗廟九五當

互艮之上象王皆祭祀而至于宗廟之中也 案萃卦渙

卦皆言王假有廟 蔡氏曰人生則神氣聚死則神氣散

朱子曰祖考之精神既散 利涉大川 占也卦有舟象故

王者當至廟以服之也 繫辭下傳舟楫之

利以濟不通 利貞 占

取諸渙也 也

初六

初之畫得六為渙之中孚

用拯馬壯

象也坎水在下風渙之於此冰凍將釋之初也冰

凍合則車行其上冰將釋而不疾馳則陷矣故用以拯渙必馬壯也坎馬在後二三四互震馬在前與明夷六

二吉也

九二

九居第二畫為渙之觀

渙奔其机

象也否之三陽聚處於上四之一陽降而居二乃成

坎體坎為輿二在坎輿中如車中之有机是為渙散之時而奔就其車中之机也凡乘安車用机悔亡

占也陽居陰位陷陰中宜有悔也得所依倚而安故其悔亡

六三

六居第三畫為渙之巽

渙其躬

象也四於人之體為躬否九四之剛乃六三之柔所比近

者如人下體之股比於上體之躬也否之九自四降二而為渙則四躬與三股相離矣故曰渙其躬无悔

占也窮自去四而就三  
非三之過也故无悔

六四

六居第四畫

渙其羣

象也其羣謂初六六三也否卦三陰同處於下為羣二之

一陰去二升四離其初三陰柔之羣故曰渙其

羣蔡氏曰言散其同類之私羣而上同乎五也

元吉

占也

上同剛中正之五其德之所以為元而吉也

渙有丘

象也三四互艮為山四山之半為丘六自二

升四是渙散其羣而有此丘也故曰渙有丘

匪夷所思

象也四上同於五自五言之則曰四自二

升而有丘匪遭傷夷者也乃吾所思者爾卦之五畫俱變而惟四之一畫不變則為明夷故曰匪夷四上同於五而五當心位故四為五之所思也

九五

九居第五畫

渙汗其大號

象也巽為風大塊噫氣作則萬竅怒號陽為大



大號者風也五者心之位者心之液風中於心以汗而散由中心決于四體則散矣故曰渙汗其大號哭風命令之象王言自中心而發為命令以徧及於四方猶風之自中心而散為汗液以周決於四體也不言風而曰其大號猶屯九五渙王居象也居如居貞之居言處不言雨而曰其膏也五渙王居而不去也五上卦之中王之位也王之命令當如風之散于四方而王之位則當帝居於中渙王居者在渙之時唯王居中而不渙也若出居于鄭居于狄泉居于成周者不得居无咎占也渙中而居于外王位之渙也豈宜見此事哉王獨居於中而不渙則无咎也

上九

上之畫得九為渙之坎

渙其血

象也上應三三坎體之陰血也上居渙之終去三遠為渙

其血之象謂血之凝聚結毒為害而今渙散之也

去逖出

象也逖遠也上去三遠猶人去其禍害而

遠出則禍害不能及之也 无咎占也

六畫俱六九為渙之豐

經彖辭凡十二字爻辭凡五十八字假虎白切號平聲逖徒歷切註下傳直戀切意於界切風

中貞仲切



兌下 坎上 ○ 二之六下之十五緯三陽泰變主九五

節 此義皇兌下坎上之卦而文王名之曰節節猶竹節之節有分限而不可踰越也澤之上有水其所容受

有限則亨占也九五苦節象也苦火之味初至五肖離故曰節亨剛中故亨上六節之極離火之所熏烝

故其象為苦節苦不可貞占也節貴乎得中乃可以正主事太過則不可貞矣

初九

為節之坎 初之畫得九

不出戶庭

象也初變為耦象戶二在戶前為庭二之剛畫室塞

于前不可出也

无咎

占也當節之初守正於內而不出故无咎

九二

為節之屯 九居第二畫

不出門庭

象也二變為柔成震震者艮之倒體有門闕之象三

四在二前為門外之庭畫皆耦而无所窒礙出三四則上合于剛中正之九五矣九二以敵應不相與故不出門庭 占也可出而不出

庭凶

不合時宜故凶

六三

為節之需 六居第三畫

不節若則嗟若

象也六三不中正雖或有不節之事然居

澤之上有所限止而兌口有能嗟之象三不節為節而能嗟與泰侈而不自知其非者異矣

无咎

占也以不節為

嗟故无咎

六四

六居第四畫為節之允

安節

象也節上三爻皆能節者蓋澤之止水有限止故也四承中正

之五所居得正安於節而元亨

占也承上得正故亨

九五

九居第五畫為節之臨

甘節

象也五變為柔成坤坤為土土之味甘故為甘節甘者樂易而

无難苦之謂

吉

占往有尚

占也下雖元應於二然有六四往

凡爻辭言往皆謂內往外然有此往彼者亦有彼往此者屯六四往吉初往四也睽上九往遇雨三往上也此之往有尚四往五也

上六

上之畫得六為節之中孚

苦節

象也上六變為剛則六畫成複體之離離為火火味苦居節之

極而又變為剛節之太過者也故曰苦節

貞凶

占也節之太過正主事則凶

悔亡

占也苦節雖有

悔然能過於節禮與其奢也寧儉故其悔亡

六畫俱九六為節之旅

經彖辭凡七字爻辭凡四十六字註強勉其兩切樂易上音洛下以豉切



兌下 巽上 ○ 二之五下之十六緯八純離變主六四

中孚

此義皇兌下巽上之卦而文王名之曰中孚中謂二五此以實感而彼應之曰孚二五剛實居中以

中心之實感人而三四二柔皆孚應之風豚魚象也豚感于上則澤之浪遙應于下其信不渝也

之物似猪俗謂江豚澤將有風則浮出水面有南風則口向南有北風則口向北舟人稱為風信唐人詩曰江

豚吹浪夜還風風澤之卦故取吉占也信如豚利涉大以為象中實之孚其信如豚魚則吉也

川占也巽木在兌澤之上卦體中虛有舟象利貞占也四為卦主得位而承五之中

初九初之畫得九為中孚之渙虞吉象連占也初居澤之內如澤之虞人近孚於九二之中不遠交

於外專守其職不變其志所以吉也有他不燕占也有他謂外應四也若不專孚於九二而又有他

志則不安矣

九二九居第二畫為中孚之益鳴鶴在陰其子和之象也二三互震為鳴為鶴二

陰位澤之中山之下幽隱之處故曰在陰子謂六三陽大陰小九二陽也鶴之大者六三陰也鶴之小者故二

為鶴而三為鶴之子我有好爵吾與爾靡之象也我六四也四中孚之主故稱我好爵

猶曰尊爵謂九五也天下有達尊三爵一齒一德一德之尊者稱其人為懿德詩言好是懿德是也爵之尊者

稱其人為好爵此言我有好爵是也猶詩言我有嘉賓也九五位在六四之上故六四稱之為好爵猶儀禮士稱大夫為異爵也吾亦謂六四爾謂九二也靡與靡通謂係戀之也四與五相孚二與五同位亦以中實相孚故設為六四卦主與九二言我有九五之好爵我與爾之心同向慕之鶴鳴子和二得三之孚也吾與爾靡之四與二共孚于五也

六三

六居第三畫為中孚之小畜

得敵

象也敵謂與已同等者也三與四同為陰柔敵也

或

鼓或罷或泣或歌

象也三與四二柔雖同類然其志不同而相反三鼓四罷四泣三歌三居

剛互震之中畫震動故為鼓又兌口也故為歌四居柔互艮之中畫艮止故為罷四多懼又離目也故為泣四得正而上孚于五矣三不實而欲四之孚故四不來孚也

六四

六居第四畫為中孚之履

月幾望

象也哭為月既望之象六四當哭下畫為中孚之主陰之

得位得時者也其

馬匹亡

象也二三四互震為馬四與三同類而不孚於三下絕其

類而上孚於五如

无咎

占也當位而孚於中實之君故无咎

九五

九居第五畫為中孚之損

有孚

占也有孚如占之象也四孚於五固結不解如牽

其手象與小畜九五同

无咎

占也中實而得人占之乎如此故无咎

上九

上之畫得九為中孚之節

翰音登于天

象也哭為雞雞曰翰音謂其羽有文采而能鳴

也豚魚知風鶴知夜半雞知旦皆物之有信者故中孚彖爻取三物為象上九天之位也雞飛類之走鳴於地

上以孚於人者欲其音登徹于天則非所能矣貞凶

占也項氏曰哭雞之翰音而欲效澤鳥之鳴登聞于



天愈久  
愈凶

六畫俱九六為  
中孚之小過

經彖辭凡十一字又辭凡六十六字和胡臥切  
靡忙皮切罷音皮斃讀作既攣力圓切翰侯案  
切註好是  
虛到切



艮下 震上 ○ 七之四下之十七 緯  
八純坎變主九四

小過

此義皇艮下震上之卦而文王名之曰小過小謂  
陰也為卦陰倍陽半二陽陷於四陰陰過而陽不

及故曰亨

占也蒙卦名小字言利貞占也亦蒙小字言  
小省過歲故小者亨利貞利於小者正主事

也可小事不可大事

占也小人可小知而不可大受也  
陰柔小人但可以為小事非陽剛

君子則宜可  
以當大事哉

**飛鳥遺之音不宜上宜下**

象也小過者陰柔小人過盛而

得志之時也陽剛君子衰微不得志柔辭上三占既皆  
為陰柔小人言矣此之象及下文之占乃為陽剛君子  
謀也卦有飛鳥之象三四二陽鳥之身也上下四陰飛  
之翼也音者鳥鳴之聲遺者鳥飛過而其鳴聲遺留於  
人耳也陶詩云來鴈有遺聲凡動物飛類屬陽聲音亦  
屬陽飛鳥遺之音指二陽而言陰強過盛陽弱不及若  
子其可知進而不知退乎若飛鳥然其飛鳴而過也不  
宜自下而趨上但宜自上而趨下上則進為盛陰所忌  
易以取禍下則退就卑處可以全**大吉**  
占也大者陽剛身也至哉聖人處憂患之道乎君子也小過之  
時大者非可以吉惟善於自處能辭尊而居卑勇退而  
不進如鳥音之下而不上則大者可吉此君子不得志  
之時轉凶為吉之道也

初六

初之畫得六為小過之豐

飛鳥以凶

象連占也卦以二陽象飛鳥擬君子此飛鳥謂九四

也過盛之陰傷不及之陽其為正應者乃為敵離也故初六害九四者也上六害九三者也九四之凶以初六而凶也

六二

六居第二畫為小過之恒

過其祖過其妣

象也六五過其祖而六二過其妣也陽在

已上者父也在父之上者祖也陰居尊位者妣也故六二之視九三猶父也視九四猶祖也而六五與九四同

在上體祖之妣也祖之妣處九四之上過其祖也過之者六五其祖之其指六二而言祖者九四也六二六五

雖非正應然陰過之時以柔中相合故六二往與六五遇所遇者過其祖之妣也遇之者六二其妣之其指九

四而言妣者六五也六五之為妣也過其祖不及其君而上居二之應位故二得以上應而過其妣

遇其臣

象也六二不及其君而六五過其臣也下卦艮九三艮之君也六二君之臣也君之臣處九三

之下不及其君也不及之者六二其君之其亦指六二而言君者九三也六二往合六五故六五得與六二遇所遇者不及其君之臣也遇之者六五其臣之其指九三而言臣者六二也六二之為臣也不及其君而下居五之應位故五得无咎占也二五當陰過之時而无害以下應而遇其臣陽之事得中故也五中而不正二中而正故其爻辭比六五尤善

九三

九居第三畫為小過之豫

弗過

象也過謂踰越也九三弗過上六也九三與上六正應然陽不

及之時豈可踰越於陰上六在上體九三在下體而不敢上進以就正應是謂弗過防之  
象也惟水之防以隄備上六俾不能為已害斯可矣防之扞水內不得出外不得入則在內者可以避害而在外者不

能加害也九四陽畫連  
亘在前象扞水之防  
從或戕之  
象也若往從上六則  
或為其所戕害矣

凶 占也往從上則  
凶不往可也

九四

為小過之謙

无咎

占也无九三之  
凶者以居柔也

弗過

象也九四  
弗過六五

也九四上與六五比然初六內卦之下九四外卦之下  
同在下位不敢踰越而上合於五是謂弗過項氏曰九  
三九四二爻為陰所過非過之象也下與初六為應惟  
能過人者也故皆曰弗過  
六遇則是退居至下之位也不上而下則往厲必戒占  
免為初六所害矣彖所謂不宜上宜下也  
若上往合五則危必  
當戒之不可往也  
勿用永貞  
占也不但不可往五雖  
亦不可惟退而下就初之位其庶  
乎大槩小過之時陽但宜處下也

六五

為小過之咸

密雲不雨自我西郊

象也九四六五得坎之上體又

有九三一陽重蔽其下如雲之密然坎之下畫塞而不通則陰上而不下故不雨所以然者九四為主又陽弱

陰強故陰陽不和不能成雨我西郊謂四也四為西又互兌體故曰西郊郊者以其在內卦之外也蓋九四不

上合六五何望乎陰陽之和而成雨哉

公弋取彼在穴

象也公謂四彼謂初在穴謂初在坎

穴之內四與初應猶弋而取彼在穴之物蓋言四但下取彼初而不上取此五也

上六

為小過之旅

弗遇

象也上六弗遇也

過之

象也謂過越九三而居極

高之位小過者陰過陽不及故九三之弗過弗能過上六也此云過之上六過九三也九四之弗過弗敢過六

五也六二云過其祖六五過九四也皆陰能過陽陽不過陰也

飛鳥離之

象也九三為飛鳥離麗也

詩曰鴻則離之上六變為剛成離象網罟使九三處下猶或可避其害儻趨高應上如鳥之上飛冲天則離於上六之

凶

占也初六害九四然九四宜應初六上六害九三而九三不宜應上六蓋陰過之時

陽剛不宜上宜下九四下應初六則是退於卑下而可免凶九三上應上六則是進於高亢而必致凶也是

謂災眚

占也災謂禍災眚謂過眚災由已取眚非已致單言眚者非已所致之眚災眚者由已所致之

眚也九三剛居剛不退居於下以避禍乃進趨乎上以取禍其凶乃已所自致也此卦初六與九四九三與上六兩爻之辭皆相表裏然初六之以凶其辭若急至九四曰无咎曰厲曰勿用則其辭緩何也九三之或戕其辭猶疑至上六曰離之曰凶曰災眚則其辭決何也蓋陰柔過盛陽剛但宜下退不宜上進四居柔則能下也三居剛則好上也下則凶或可免上則凶不可免矣此初四之辭所以先急而後緩三上之辭所以始疑而終

決與嗚呼陽剛有不幸而際斯時者可不知所以自處之道哉

六畫俱六九為小過之中孚

經彖辭凡一十四字爻辭凡八十字註為陰為陽云偽切易以以豉切卑處昌據切好上虛到切失與音余



離下 ○ 三之六下之十八經坎上 三陽泰變主六二

既濟

此義皇離下坎上之卦而文王名之曰既濟濟者渡水已竟之名二物相資相成亦曰濟此卦取水

火相成之義水性下以金盛水於上則水不滅火火性上以木傳火於下則火能熱水水上火下已能成烹飪

之功故亨小占也小謂陰柔也既濟以二為利貞占也曰既濟亨小主爻其亨者陰柔也故曰亨小利貞六爻



皆得位故六二主  
又利於正主事

**初吉**

占也謂內卦六二也柔終亂占  
居離明之中故初則吉也

謂外卦上六也柔居  
坎險之極故終則亂

**初九**

初之畫得九  
為既濟之蹇

**曳其輪**

象也二三四互坎為輿為濡  
輪初在輿後曳之者也

**其尾**

象也坎又為狐初在狐之後尾  
之象也在水之下濡之象也

**无咎**

占也既濟之  
初可以濟而

守正不遽進也如車將濟水而曳其輪將  
濟水而濡其尾雖不遽濟而終可濟故无咎

**六二**

六居第二畫  
為既濟之需

**婦喪其茀**

象也二五相應猶女之將  
從夫而需待未行坎輿為

婦所乘之車茀者車後蔽也初在二後而不  
遽進如車喪失其後蔽而不行故曰喪其茀  
**勿逐七日**

**得**

象也居中守正終必可得故喪茀不待追尋七日  
之後自得之則可行矣二變為剛成乾之乾數

九三

為既濟之三畫

高宗伐鬼方

象也高宗商之賢君武丁也商頌言高宗伐荆

楚荆楚南方之國好巫鬼故曰鬼方伐之者離為戈

年克之

象也高宗指九五而言自五來三歷三畫三又坎數也為三年克之之象此乃伐遠國久而後

占勝之小人勿用

占也小人得此占則不可用故戒以勿用

六四

為既濟之革

繻有衣袽

象也漢制裂帛邊繻頭以為關門符信繻帛之未成

衣者袽衣之已成而敝壞者曰已過既濟之半終日戒凡事過半則有將敗壞之理猶繻之必為袽也

象也終日戒者慮其必至於此也下卦離為日五為日中之時四為將巽之時將巽則漸終矣

九五

既濟之明夷

東鄰殺牛不如西鄰之禴祭實受

其福

象也初為東二與之鄰西鄰謂九五也禴夏祭五於時為

夏四時之祭夏祭最薄六二當一卦之中有殺牛之盛祭九五當過半之後但有夏禴之薄祭然六二雖中正

柔豈能自濟也必九五之剛中正應之乃能成既濟之功故五祭雖薄而二實受其福也

上六

上之畫得六為既濟之家

濡其首

象也工於人之體為首未濟取象於濡上六居坎險

之終濟水而將及岸也然陰之柔厲占也雖不至弱如人之濟水將及岸而濡其首溺死亦危矣

六畫俱九六為既濟之未濟

經彖辭凡十字爻辭凡六十八字喪息浪切第

分到



坎下 ○ 六之二下之十八經  
離上 三陰否變主九二

未濟

此義皇坎下離上之卦而文王名之曰未濟火亨

占也六五柔

小狐汔濟

象也三四五互坎為狐剛大柔小以六五陰柔故曰小狐汔幾

也言幾及於上也井卦之水在九五井口之中未出上六井口之外則曰汔至未濟之狐在六五坎水之中未登上九水外之岸故曰汔濟蓋六五狐之前體也若至上九則為出水登岸矣未至上九則是幾於濟而猶未濟也諸家說以下卦之坎濡其尾象也初六連九二在為狐者於辭義皆不協

濡其尾

象也初六連九二在互坎之後象小狐之

尾在前水之內後水之中故濡狐身向前幾於濟矣而其尾在後濡於水中則不能濟

无攸利

占也

將濟未濟故无所利

初六

為未濟之晝得六

濡其尾

象也此即彖辭所謂

吝

占也

九二

為未濟之晝得二

曳其輪

象也三四互坎為輪二在

貞吉

占也

六三

為未濟之晝得三

未濟征凶

占也六三居險極宜於奮

猶未濟所濟尚未盡於險則未可行

利涉大川

占也六

剛則二三四成

乾上卦變為坎矣而乾健在後能進而

也

九四

為未濟之晝得四

貞吉

占也四陽剛比柔中

悔亡

占也

陰宜有悔得  
所比故悔亡

**震用伐鬼方**

象也四變為柔二三四成震震謂動其奮發如雷之震也

有離之兵為伐居離下畫之陽故為鬼方既濟伐鬼方九三為天子而伐之也未濟伐鬼方九二為諸侯而

伐之也震  
諸侯象

**三年有賞于大國**

象也天子伐而三年克之皆天子之兵勝也諸侯伐

之而有賞于大國者用兵有功而受賞于天子也大國謂天子之國指五而言五陽位為大九四變為柔三四

五成坤  
為國

**六五**

六居第五畫為未濟之訟

**貞吉**

占也六五柔中故正主事而吉

**无悔**

占也得中故雖不當

位而无悔視九四  
之悔亡為尤善也

**君子之光**

象也君子謂九二離日在天下照地上光被於九二

而為九有孚

占也九二為正應而孚於六五也

**吉**

占也六五下光於九二而九二上孚於六

五所以吉也

上九

上之畫得九為未濟之解

有孚于飲酒

占也上九與六三應六三坎體為酒上就三飲

酒而三往孚焉因飲酒而後有孚故曰有孚于飲酒

无咎

占也當未濟之時因歎洽而得正應之孚信故

可无咎濡其首

象也三坎體為水上在人之體為首上九下就六三飲酒而忘反如以上體之首下

入坎水之內故六三之水得以濡上九之首也

有孚失是

占也彖邪易以溺人飲其酒而沈湎過度

以至被水濡其首而亦不知則三雖有孚于上而上下皆失其正是者非之對失是者失其是也

六畫俱六九為未濟之既濟

經彖辭凡十三字爻辭凡七十字訖許訖切註易以政切酒彌免切


易經纂言卷二



謹案第二十六頁後五行主初九刊本主訛至今

改





總校官庶吉士 臣 張能照

校對官檢討 臣 郭寅

謄錄監生 臣 劉垠